



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



3 3433 06825927 8



Hymni
7 H 6





H y m n i

Veterum Poetarum Christianorum

Ecclesiæ Latinæ

s e l e c t i.

Textum ad optim. Editt. fidem exhibuit, et præfatione, notis Variorum, adjectisque præcipuis variantibus lectionibus illustravit

C. A. Björn

in ecclesia Vemmetöfte sacrorum minister.



H a f n i æ, MDCCCXVIII.

Typis excudebat Andreas Seidelin,

Aulæ Regiæ & Universitatis typographus.

163



Coetum Christianorum a primordiis habuisse, quæ carmina sacra condiderunt, res ipsa quodammodo docet, fuit enim ab initio rerum humanarum poesis et religionis et pietatis interpres, nec aliter olim de Deo quam poetice loqui fas erat, non alio sermone dii oracula ediderunt, non alio stylo divina promiserunt homines, eundemque ad inculcanda sapientiæ præcepta antiquissimi adhibuerunt: nulla fere unquam existit gens, quæ non carminibus sacra sua celebravit, coluerunt fictitia numina decantatis ad aras eorum hymnis gentiles, omnipotentis Jehovæ beneficia et virtutes metricè celebrarunt Judæi, idemque jam dudum usu venisse apud Christianos, ut Christum imitati sint apostoli ὑμνησάντες, apostolos ψαλλόντες Christiani et privatim invicem, et in solennibus sacris, diserte novi Testamenti codicis effata testan-

aur; adhorlatur enim Jacobus*) *ευθμη τις, ψαλλων* ³
 monet Paulus apostolus Colossenses: **) *ὁ λογος τῆς*
χριστες ενοικειτω εν υμιν πλυσιως, εν παση σοφια, διδασκουτες
και νεθεταιντες εαυτες ψαλμοις και ωδαις πνευματικαις, εν χα-
*ριτι ἄδωντες εν τη καρδια υμων τω Κυριω; Corinthios ***)*
ὅταν συνερχηθε, ἑκάστος υμων ψαλμον εχει, qvod carmen an-
tea jam contignatum innuere videtur †); Ephesios ††)
πληρωθε εν πνευματι, λαλουντες ταυτοις ψαλμοις, και υμνοις
και ωδαις πνευματικαις, unde vel hoc intelligitur, non in-
solitum Christianis fuisse ex tempore carmen dicere †††),
 et nonnihil argumenti ad rem nostram probandam hisce
 sacræ Scripturæ dictis afferunt cum verba Tertulliani *):
 "Sonant inter duos (conjuges scilicet) Psalmi et hymni,
 et mutuo provocant, qvis melius Deo suo cantet. Ut
 quisque de scripturis sanctis vel de proprio ingenio potest
 provocatur in medium Deo canere" **) tum Augusti-
 ni ***): Christo cor nostrum, illi lingua nostra digna
 cantet, si tamen ipse dignabitur donare, qvod cantet.
 Nemo illi cantet digna nisi qui ab illo acceperit, qvod
 cantari possit.

Poeseos Christianæ documentum porro capere licet
 e testimonis Plinii, Origenis atque Eusebii, nec non ex

*) Cap. 5 v. 15.

**) Cap. 3 v. 16.

***) 1 Corinth 14, 26.

†) Conf. Celebrr. Münter ueber die älteste christliche
 Poesie in libr. qvi inscribitur. Die Offenbarung Johannis,
 Copenhag. 1806. pag. 23.

††) Cap. 5 v. 19.

†††) Münter l. cit.

*) In libro ad uxorem.

**) Tertull. Apologet c. 39.

***) Enarratio in c. 34.

indole argumentoque plurium oraculorum Sibyllinorum; primus enim inter provinciarum Rectores celeberrimus, motus martyrum multitudine imperatori Trajano præter alia indicavit*) se deprehendisse nihil a Christianis adversus leges actitari; nisi, quod essent "soliti stato die ante lucem convenire, carmenque Christo quasi Deo dicere secum invicem, "quod Tertullianus in Apologetico ex Plinio allegat, ut et Eusebius**). Fuere quidem, qui suspicati sunt, per carmen hic non sigillatim metricum quid intelligi debere, sed de quacunque præscriptis verbis concepta precatatione exponi posse, at nulla idonea videtur adesse causa, cur a prima et præcipua hujus vocis significatione, qua quod ligatum est, et mensuram certam habet, ac numeros denotat, ideoque ad rem potissimum spectat poeticam, sit recedendum; neque obstat verbum dicere, siquidem et hoc de poetis, eorumque arte, nonnunquam usurpatur, sic ab Horatio (Art. poetic. v. 403) dictæ per carmina sortes numerantur. Origenes eandem rem memorat inveniens***) *Κελαος μὴν οὖν φησι, μᾶλλον δοκεῖν ἡμᾶς σεβειν τὸν μέγαν θεόν, ἢ καὶ Ἥλιον καὶ Ἀθηνῆν υμνῶμεν. ἡμεῖς δὲ τὸ ἐναντίον ἴσμεν, ὕμνους γὰρ εἰς μόνον τὸν ἐπὶ πᾶσι λεγόμενον θεόν καὶ τὸν μενογενῆ αὐτῆς, ὡς καὶ ἥλιος, καὶ σελήνη καὶ ἀστρα, καὶ πᾶσα ἡ οὐρανία σφρατὶς, et inprimis verba Eusebii†) afferri merentur: τα Εἰρεναῖς καὶ τε Μελιτωνὸς καὶ τῶν λοιπῶν τὶς ἀγνοεῖ βιβλία, θεόν καὶ ἀνθρώπον καταγγέλλοντα, τὸν χρῖστον. ψαλμοὶ δὲ ἔσοι καὶ ὠδαὶ ἀδελφῶν ἀπαρχῆς ὑποπίσων γράφειν,*

*) Epistolar. Libr. X. 97.

**) Histor. eccles. III, c. 33.

***) Contra Celsium Libr. 8. c. 67.

†) Histor. eccles. 5. 28.

τοὺς λόγους ταύτας, τοὺς χρίσται ἐκείνων ἐκκαυχόμενοι; αὐτὸς ἀποκρί-
 νεται, ut e probatis Valesius *) emendat codicibus, sci-
 licet Christianismi, fuere non modo, qui alienis tan-
 tum carminibus sacris usi sunt, sed et qui a se etiam
 scripta sive composita communī usui consecrarunt; et
 quantum roboris lucisque hæc, quæ ex hisce Veterum ef-
 fati: eliciantur, per Sibyllina accipere docet B. Thor-
 lacius **), multis enim in lucis horum oraculorum,
 quorum longe maxima pars A. 100 ad 170 post Chri-
 stum nat. exarata habetur, hymnos agnoscere sibi vide-
 tur Vir Celeberr., et "quam frequenter, inquit, fuerint
 ejusmodi cantica sacra inter Christianos inde concludi
 potest, quod Deus ἱεὺς ἰσχυρὸς appellatur. Duo car-
 mina, quæ de Ἄρῃ agunt, sacrum prorsus tenorem spi-
 rant, unum, majestate poetica eximium, dramatici
 quid intermixtum habet, quod in Pinianum: sibi di-
 cunt invicem, egregie cadit, Logique laudes cum Dei lau-
 dibus conjungit, alterum jam suo initio ἀγνῆτος,
 ἀγαστος, ἀνυστος, ἀβυστος, epithetis Orphicorum et
 Callimacheorum more accumulatis hymnum prodit, et
 inserto Dei colloquio animatur".

Perpaucos tamen ex tribus prioribus seculis inveni-
 mus sacros poetas, non quod ab omni studio poetico om-
 nino abhorruerunt Christiani, vel ad literas elegantiores
 rite tractanda inepti, ut nonnulli putarunt, plane fuerint.
 Apologetæ enim convertendo in usus suos loca e poetis
 profanis depremta satis in eorundem scriptis præbent se

*) Annotatt. ad Eusebii histor. eccles. p. 22, 110.

**) In Disquisitione, quæ inscribitur Libri Sibyllistarum
 veteris ecclesie crisi, quatenus monumenta christiana
 sunt, subjecti. Havniæ 1815.

versatos fuisse, et cum hæretici dogmata sua canticis accommodarunt, quo facilius imperitorum animos ad suam perducerent sententiam, necessitate compulsi sunt ecclesiæ primitivæ orthodoxi, ut ipsi cantica canticis opponerent: pleraque vero auctorum nomina proinde ut eorum poetica scripta tam græca quam latina injuria temporum perierunt; nec mirum, non semper enim licitum fuit antiquissimis sacris poetis, si vel voluissent, foetus ingenii sui edere, sive publice recitare, et cum aliis libere communicare, inimicorum incidia, sævitia hostium infensissimorum, diræ persecutionis metus, imminens periculum, et his similia, multo magis sane eos suaderent, ut et nomina sua tacerent, et scripta celarent: hinc ipsi "celantes", quod diserte Hieronymus ait *) "scripta sua", effecerunt, ut ea non prodirent in publicum; adeoque paucis modo innotescerent, quod conservationem eorum impedire, interitum autem promoveri potuit. Accedit nefandum odium, ira, rabies profani vulgi, qui non modo in personas Christianorum, sed res laboresque eorum quoque sæviens, olim per vim sanctorum hominum manibus quæcunque pietatem redolentia scripta extorquere conatus est, et apostatis, non recusantibus ipsum sacrum codicem, quo in ignem conjiceretur, tradere, certe multo minus curæ fuit de reliquis Christianorum scriptis, ut a furorē hostium, hæc abolere conantium, tuta præstarentur.

Nonnulla interim antiquissimæ poeseos christianæ monumenta latina, de quibus hic agitur, supersunt par-

*) Teste J. H. a Selden in Dissertat. De poesi christiana non a tertio sed a primo etiam ac secundo post C. N. seculo deducenda; Lubecæ 1754 §. 10.

tim Tertulliano partim Cypriano temere adscripta, de quorum vero auctoribus nil certi definiri potest: inter hæc Carmen de Judicio Domini 400 versibus hexametris haud inconditum, in quo evidens exhibetur imago eorum, quæ bonis in judicio extremo expectanda, et pravis metuenda sunt. Ad Senatorem apostotam aliud 85 ineptis numeris hexametris constans, cujus argumentum est adhortatio ad senatorem Carthaginensem, qui a religione christiana ad cultum Isidis, et cælestis Syrorum reginæ Astarte, quæ Carthagine nomine Deæ cælestis colebatur, defecerat, ut recipisceret. Contra Marcionem Libri quinque, Imus 242, Ildus 269, IIItus 302, IVtus 236, et Vtus 253 Vers. hexamet. qui nomen Tertulliani præcipue hac de causa præ se ferresolent, quod satis notum erat, hunc olim contra Marcionem disputavisse. Opus antiquioris ævi esse videtur, et ante Concilium Chalcedonense contextum, siquidem posthac divinæ et humanæ Jesu Christi conjunctionem hisce verbis:

Et Deus et renovatus homo miscetur in unum orthodoxus poeta vix ac ne vix quidem exprimere ausus fuisset. Poemata, quæ inscribuntur Genesis, et Sodoma, hoc 165, illud totidem Vers. hexam. nonnulla historica e libro Geneseos continent; prius mutilum est.

Missis his incertis de certioribus ecclesiæ latinæ poetis, eorumque scriptis, priorum quinque seculorum pauxillula memorare liceat: circa annum fere 290 post Christum natum floruit Victorinus Petavionensis, qui habatur auctor hymni In Pascha Domini seu de ligno vitæ, cujus argumentum est allegorica crucis Servatoris comparatio cum ligno vitæ Vers. 69 hexamet. Spurium

*) Conf. Münter l. c. §. 8. pag. 42.

poema esse Oelrichs *) quidem arbitratur, nihil attamen, quod antiquitati christianæ repugnaret, continet.

Sub Constantino Magno vixit Presbyter Hispanus Juvenus, qui historiam evangelicam libris IV Vers. hexamet. exprimere conatus est, et opus suum, ut Prosper annotavit, circa annum Christi 331 edidit **).

Fabius Marius Victorinus, natione Afer, sub Constantio principe circa annum 350 Romæ Rhetoricam docuit, et in senectute, ut nonnulli referunt, christianam disciplinam amplexus est: ejus sunt hymni 3 de Trinitate, ametri et anarythmi, Carmen de Jesu Christo Deo et homine ***) Vers. 137 hexamet. Poema vero de septem Macabæis, nostro quoque adscriptum, Hilario potius Arelatensi tribuendum est.

Damasus, natione Hispanus, natus haud ignobili genere paulo post seculi 4ti initium, et post multas turbas ab Ursicino seu Ursino excitatus Pontifex Romanus, cum enim Liberio mortuo 366 de episcopo eligendo ageretur, alia factio Damasum, alia Ursicinum Diacorum ecclesiæ præficiebat, quæ dissensio atrox bellum cædesque multas, incendia et proelia pariebat, victor ex concertatione discessit Damasus. Cum ille esset antistes Cæsar Valentinianus hoc interposuit decretum, ut epis-

*) Conf. J. G. A. Oelrichs Commentar. de scriptoribus eccles. latinæ prior VI. seculor. Lipsiæ 1791.

**) Ed. Erb. Reusch, Francof. 1710, 8. Legitur etiam cum reliquorum hujus generis scriptorum operibus in Georg. Fabricii poetia veteribus ecclesiasticis, Basileæ 1564, 4.

***) Primum a Georg. Fabricio, qui ex codice Ms. antiquissimo se illud descripsisse testatur, editum est hoc carmen Anno 1562, et postea cum ceteris hujus et supra laudati Victorini scriptis a Rivino, Gothæ 1652, 8.

rarunt*), ut pro Ambrosiano nullum admitterent, qui locupletis alicujus testis auctoritate non adseratur; duodecim tantummodo idcirco promulgarunt, rescissis aliis, quos priores editores perperam receperunt**), sed et hos duodecim Ambrosii esse Oelrichs certo affirmare dubitat: decem ex illis hic exhibentur, omisso sexto, utpote hymni potius fragmento, et duodecimo, siquidem materia et forma Ambrosio parum digno.

Aurelius Prudentius Clemens, Christianorum poetarum princeps, in Hispaniis ortus est Coss. Salia et Philippo, anno Christi 348, ut ipse innuit Præfat. in Cathem. v. 74.

Oblitum veteris me Saliaë consulis arguens

Sub quo prima dies mihi —

quonam autem peculiari in loco prodierit in lucem, controvertitur, neque potest certi quidquam definiri***).

*) S. Ambrosii Mediolanensis episcopi opera ad manuscriptos Codices Vaticanos, Gallicanos, Belgicos etc. nec non ad editiones veteres emendata studio et labore monachorum Ordinis s. Benedicti e Congregatione s. Mauri. Parisiis 1690. 7 Vol. Fol.

**) Gillotius, qui primus hymnos Ambrosii collectos evulgavit, 16 exhibuit, quorum numerum additis 18 aliis Romani editores adauxere, quem nova accessione amplificaverunt alii.

***) Cæsarangustanus creditur fuisse, non modo quod Peristeph. Hymn. 4. Cæsarangustam Suam appellat, idem enim de Terracone Hymn. 6, 5 143 et Calagurri Hymn. 1, 116, 4, 21 profert, verum illud insuper, quod Vincentium Martyrem certo certius Cæsarangustanum, Sagunti vel Valentiaë pascum sibi peculiariter vindicat, de eo Hymn. 4 v. 92 loquens:

Noster est. quamvis procul hinc in urbe
Passus ignota.

Expleto literarum dicendique ludo ad forum sese adplicuit Prudentius, militiæ quoque togatæ seu Palatinæ operam dedit, quem vero illi in Palatio gradum hæc dignitas tribuerit, et quanto tempore apud Principem fuerit commoratus, ignoratur: verosimilius fortasse est, secuta Theodosii Magni, qui illum acciverat, morte hac usum occasione, Imperatoris aula relictâ, se in patriam recepisse, et venam suam pietati ac religioni sacrasse; quo anno obierit, incertum est. Scripta ejus Gennadius, presbyter Massiliensis, qui 70 circiter annos post Prudentii mortem floruit, recenset, composuit, inquit in Catalogo de Scriptoribus ecclesiasticis Cap. 23tio, "Dip-tycon"*) de toto veteri et novo Testamento; personis exceptis; commentatus autem est in morem Græcorum Hexaameron de mundi fabrica usque ad conditionem primi hominis et prævaricationem ejus: composuit et libellos, quos græca appellatione prætitulavit, Apotheosis, Psycmachia, Hamartigenia, id est. de Divinitate, de Compugnantia animi, de Origine peccatorum. Fecit et in laudem Martyrum sub aliquorum nominibus Invitatorium ad martyrium librum unum et Hymnorum alterum speciali tamen intentione adversus Symmachum

quod ed confirmat versus 101mus

Noster, et nostra puer in palæstra —

accedit etiam, quod redux poeta in patriam hymno Hippolyto Martyri Peristephanon Xlmo episcopum suum Valerium seu Valerianum nomine compellat, eique præfatum hymnum inscribit: hic autem Valerius haud certe alius videtur esse, quam Valerius Cæsaraugustanus episcopus, qui anno 381 interfuit Consilio Cæsaraugustano contra Priscilianistas hæreticos in Hispaniis pullulantes.

*) Διπτυχον hoc est duplicatus libellus, a πτυσσω, complico, quod utriusque Testamenti summam tenet.

idololatriam defendentem, ex quorum lectione agnoscitur Palatinum militem fuisse: "qvæ scripta collata cum iis, qvæ edita lucem adspexerunt, scilicet hymni, 12 καθημερινῶν cum præfatione, 14 περὶ σεφάων cum præfatione, ἀποθέωσις versus hexametri 1085 cum duplici præfatione, ἁμαρτιολογία Vers. hexam. 966 cum præfatione, ψυχομαχία Vers. hexam. 917 cum præfatione, contra Symmachum libri duo cum suis præfationibus, primus constat Vers. hexam. 658, alter 1131: Διπτυχον seu Εὐχεριδιον utriusque Testamenti, constans strophis 48, quarum unaqvæq 4 Hexamet. absolvitur, indicant, nihil aliud, quam Commentatorium in Hexaemeron injuria temporum perditum, deesse, nam illud Invitatorium ad martirium clare patet pro libro περὶ σεφάων accipiendum esse, alterum vero hymnorum librum a Gennadio memoratum, quis dubitet esse librum Cathemerinon hymnorum 12 cum Præfat. Ceterum omnes istæ lucubrationes a Prudentio conditæ sunt, cum ad exitum jam vergeret vita ipsius*).

Hilarius, monachus Lirinensis, deinde episcopus Arelatensis, claruit sub Theodosio juniore, interfuit Concilio Regensi seu Regiensi Anno 439, et Arausicano imo Anno 441, mortuus est Valentiniano et Martiano regnantibus anno decimo Leonis 1mi Papæ, hoc est

*) Conf. Aurelii Prudentii Clementis V. Cl. opera omnia nunc primum cum codd. Vaticanis collata, præfatione variantibus lectionibus, notis ac rerum verborumque indice [locupletissimo aucta et illustrata. Parmæ 1788, 2 Vol. 4. Editt. carminum meliores præterea sunt: Jo. Weitzii, Hannov. 1818, 8; Nicol. Heinsii. Amst. 1667, 12; et Cellarii 1703.

Christi 446. Hæc. Leyserus *). Ex scriptis hujus antistitis poeticis supersunt: Carmen de Geneseos historia usque ad diluvium minus svave Vers. 198 hexamet. ad Leonem Papam de Providentia, quod reperitur in opp. Prosperi, et aliud heroicum de fratribus Maccabæis, quod sub nomine Victorini circumferri solet. Carmen de fonte quodam ardente deperditum est **).

Pontius Meropius ex senatoribus tum paterno tum materno genere Romanis Burdegalæ in Aquitania Anno Christi 353 patre Paulino natus est; sub Decio Ausonio rhetoricis simul atque poeticis disciplinis institutus fuit; Consulis honorem licet non ordinarii assecutus est anno ætatis 22, et cum amplissimis ditaretur tum possessionibus cum pecuniis, has opes insigniter auxit ducendo locupletem uxorem Therasiam, cujus aliorumque exhortationibus ad Christum conversus est anno ætatis 36, baptismo suscepto cum conjuge in Hispaniam secessit, ubi 4 annos commoratus est, defuncto interim filio Paulinus venditis prædiis ac ingentibus pecuniarum summis in pauperes erogatis monasticam vitam amplexus est, et presbyter, licet invitus, ordinatus ex Hispania in Italiam venit, et Florentiæ peramanter ab Ambrosio, non vero itidem Romæ a Siricio Papa et quibusdam Clericis exceptus est, quam ob rem Nolam se recepit, ubi cum conjuge constitit, ætatis anno 56 Nolæ episcopus creatus est, et senex obiit diem supremum Anno Christi 431, ætatis 78. Insignem inter scriptores ecclesiasticos tenet

*) Polycarpi Leyseri historia poetarum et poematum mediæ ævi decem post a nato Christo CCCC, Seculorum. Halæ Magdeb. 1721, 8.

**) Conf. Gelriche,

locum Paulinus, tametsi in eo celebrando paullo liberaliores Hieronymus et supra laudatus Ausonius præceptor ipsius sine dubio fuerunt: ex scriptis ejus poeticis ad nos pervenerunt ad Gestidium poemata duo, matutinæ preces duæ, prior 19, posterior 85 Vers. hexamet., de Ioanne Baptista carmen 330; Psalmus unus Jambic. senar. 51, Ildus hexamet. 32, 136tus 71, epistolæ ad Ausonium IV, prima, cujus argumentum est: studiis sacris profana posthabenda, Vers. Jambic. senar. condita, Ilda de defensione Paulini propter religionem susceptam 132, et Illtia de constantia in amore 47 Vers. hexamet. IVta 20 Vers. elegiac; ad Cytherium alia epistola de Martiniani periculis et liberatione, et de institutione Cytherii filii 936. Jambic. senar., Epithalamium in Iulianum et Jam, de Celsi filii obitu panegyricus, de morte, de resurrectione, de præmio et poenis vitæ æternæ 628 Vers. elegiac. S. Felicis Natales XIV. Vers. hexamet.*).

Medio Seculo quinto floruit Cælius Sedulius post Augustinum, cujus de Civitate Dei postremum librum Collectaneo in Ephes. Cap. 4 adlegat, antè vero Fortunatum ut Cassiodorum, qui ipsum tanquam priorem laudaverunt. Patria fuit Britannia, et Scotum quidem dicunt plurimi. Usserius ex libro de Britannicarum ecclesiarum primordiis Cap. 16 ita disserit". De patria

*) Pontii Meropii Paulini Nolani episcopi opera digesta in II. Tomos collata ad Mss. Codd. plurimos, notis ac lectionibus variantibus illustrata cura et studio Joannis Baptistæ le Brun, Parisiis 1685, 4. Pont. Merop. Paulini Senatoris et Consulis Romani deinde Nolani episcopi opera ad Mss. Codices Gallicanos, Italicos etc. recognovit L. A. Muratorius, Veronæ. 1736, Fol.

sua Sedulius dubitare nos non sinit, quam in epistolarum suarum exordio, ut ex Trithemio, intelleximus, Sedulium Scotigenam se nuncupet ipse, ejusdemque in epistolas Paulinas adnotationes, ex Fuldensi vetustatis adorandæ exemplari alitæ hanc inscriptionem præferant. Sedulii Scoti Hiberniensis in omnes epistolas Pauli Collectaneum": atque ita etiam Basiliensi editione utraque, et in Bibliotheca Patrum, tam Coloniae olim, quam postremo Lugduni expressum. Exstat hujus Presbyteri carmen paschale seu libri V de Christi miraculis Vers. hexamet., hymni duo, Collatio Vet. et Nov. Testamenti seu exhortatorium ad fideles, et acrostichis vitam Christi continens, Jambic. 92 hic, ille 110 Vers. elegiac. scriptus. Addidit his Edmundus Martene*) carmen de verbi incarnatione. Cæterum plures exstare fetus ingenii Sedulii nemo non exoptaverit, cum haud immerito Sedulium antiquitati Christianæ in deliciis fuisse omnes concedant. Dictio ejus facilis, ingeniosa, numerosa, perspicua, sic satis munda, si excipias prosodica quædam delicta**).

Eodem fere tempore vixit Claudius Marius Victor, Rhetor Massiliensis, qui in Genesim ad filium suum Ætherium commentatus est, a principio libri scilicet usque ad obitum patriarchæ Abrahæ tres diversos libros, primum cum præfatione 649, IIdum 458, IIIIum 742 Vers. hexamet. edidit, christiano quidem et pio sensu,

*) In Collectione Vet Scriptor. Vol. IX. pag. 127.

**) Cælii Sedulii mirabilium divinorum libri Paschale Carmen dicti et hymni duo, ex manuscriptis codicibus recensuit, et adnotationibus illustravit Christophorus Cellarius, Edit. 2da Halæ Magdeburg. 1739. 8; ed. Gruner 1747, 8.

sed utpote seculari literatura occupatus homo et nullius magisterio in divinis scripturis exercitatus levioris ponderis sententiam figuravit. Ita Gennadius, cujus tamen codex Corbeiensis legit: quatuor versu edidit libros. Quatuor librorum meminit etiam Trithemius. Theodosio et Valentiano regnantibus Victor mortuus est.

Ex Aquitania originem duxit Prosper Aquitanicus, qui cum chlamydatas Romam miles venisset a Leone Pontifice Maximo benigne susceptus est, et ad aliam militiam longe feliciorum translatus est, scripsit epigrammata 110 Vers. elegiac. ex Augustini sententiis; de Ingratis 1015 Vers. hexamet. odas insuper ac hymnos, ait Lilius, sed hymnos Prosperi Fabricius observare non potuit, nec alibi hymnos ipsum scripsisse legit. Vixit Prosper Aquitanicus usque ad captam a Genserico Romam. Obiit anno Christi 465.*).

Claudianus Mamertus. Viennensis ecclesiae presbyter, qui claruisse dicitur Ab. Christi 443 hymnum de passione Domini scripsit, ejusmodi enim poematis Mamerti magna cum laude Sidonius Apollinaris mentionem facit; minus certa ratione tribuitur eidem carmen contra varios errores, seu vanos poetas. Hymnus comicus est, crebris aptisque commatibus incisus, sententiis non interruptis sed molliter cum versu cadentibus. Narratio simplex, agit primum de ortu Christi, deinde de ejus cruciatibus, et morte: conclusio habet apostropham et est allegorica, non enim lignum alloquitur aut extollit, sed eum, qui in ligno mortuus est.

Alcimus Avitus: pater fuit Isacius, vir primum

*) Conf. Casimiri Ondini Commentarius de scriptoribus ecclesiae antiquis etc. Lipsiae 1722, fol. Tom. 1.

senatorii ordinis, deinde in episcopum adsumtus. Avitus a puero humanis litteris apprime, et supra quam illa ætas, Vandalorum et Gothorum incursionibus prope infecta, ferre posset, institutus, cum illum amplissimum alioqui et locuples maneret patrimonium, valedicto mundo monasticen professus est in cænobio S. S. Petri et Pauli ad urbis Viennensis mœnia. Inde patri Isacio in episcopatu succedens totum se adversus sui temporis hæreses contulit. Claruit sub finem seculi Vti, Zenone et Anastasio imperatoribus. Scripsit poemata varia, e quibus tantum supersunt: de origine mundi 327, de peccato originali 478, de sententia Dei 456, de diluvio mundi 657, de transitu maris rubri 742, de virginitate ad Fuscinam sororem 856 Vers. hexamet., carmen de fratribus Maccabæis illi quoque a nonnulli tribuitur*).

Carminum genera, quibus poetæ veteres ecclesiastici utuntur, sunt, prætermisiss hexametris et pentametris ut satis superque notis, sequentia:

Primum genus est versus Jambicus dimeter seu quaternarius, qui locis imparibus constat e spondeo interdum anapæsto, dactylo aut tribrachy, paribus jambo vel tribrachy, in fine verò jambo sive pyrrichio:



Ad hoc genus pertinent hymnus Damasi de Andrea Apostolo, omnes Ambrosiani, hymnus Prudentii Imus, Ildus, XI mus XII mus καθήμερινῶν, Ildus et Vtus σεφάνων libri, et Sedulii Ildus vitam Christi continens, nullum enim genus in usu ecclesiastico fuit frequentius.

*) Ed. Sirmond, Parisiis 1643. 8.

Subscribitur hoc carmen interdum alternis hexametris et senariis jambicis, quale illud Prudentii carmen in Apotheosi;

Est vera secta, te magister consulo?

Rectamne servamus fidem?

Idem poeta alio utitur jambico dimetro, qui primo loco habet jambum vel spondeum, aut anapæstum, secundum jambum solum, tertio jambum vel spondeum, cum syllaba superflua, talis est sextus καθημερινῶν hymnus:

Ades pater supreme!

Secundum genus est Jambicus trimeter sive senarius, qui, si purus est, constat sex jambis, si, ut saepissime, mixtus, primo, tertia et quinto loco recipit jambum, spondeum, dactylum, anapæstum aut tribrachyn, secundo quarto et sexto jambum tantum, aliquoties anapæstum, et tribrachyn, quamvis sexto sive ultimo loco raro admittat tribrachyn, frequentius pyrrichium:



hujus generis est præter alios hymnus Prudentii καθημερινῶν septimus:

O Nazarene, dux Bethlem, verbum patris,

Tertium genus est Dactylicus trimeter constans e tribus dactylis et semipede:



cujus generis sunt hymnus Prudentii καθημερινῶν IIIIus.

O crucifer bone lucisator!

et Damasi

Martyris ecce dies Agathæ.

Quartum genus est Dactylicus tetrameter, contignitur deo, bacchio et duobus dactylis:

Nonum genus est Choriambicus tetrameter Asclepiadeus, constat spondeo, duobus choriambis jambo vel pyrrichio:

—|—○○—|—○○—|—|

Inventor rutili dux bone lumnis. Hymn. Cath. Vtus.
His duabus speciebus accinit etiam Prud. in Præfat.
καθημερινῶν choriambicum pentametrum.

==|==≡≡≡|≡≡≡|≡≡≡|≡≡≡|

Per quinquennia jam decem,
Ni fallor, fuimus, septimus insuper
Annum cardo rotat, dum fruimur sole volubili.
Decimum genus, ut Hymn. περὶ σεφάνων igitur.

Punica terra tulit, quo splendeat omne, quidquid
usquam est.

Dactylicus Archilochius heptameter acatalectus
constans e quatuor primis pedibus spondeis vel dactylis
indifferenter ut in versu heroico, deinde tribus trochæis
vel spondeo ultime:

—○○|—○○|—○○|—○○|—|—|—|

Huic adnectitur Archilochius ex jambo vel spondeo,
jambo et syllaba, deinde e tribus trochæis vel spondeo
compositus:

==|—|—|—|—|—|

ut ille hymnus Prudentii περὶ σεφάνων

Plus solito coeunt ad gaudia, dic amice quid sit?
Romam per omnem cursitant, ovariantque —
eundem Archilochium præponit Prudentius dimetro
trochaico in conclusione suorum operum:

==|—|—|—|—|—|
—|—|—|—|—|

Pius fidelis, innocens, pudicus

Dona conscientiae.

Undecimum genus, ut hymnus καθημερινῶν nenus, et περι σφάων primus, qui sunt Trochaici Octonarii: paribus locis scanditur hic versus trochæo, spondeo, rarius anapæsto; imparibus trochæo, excepto colô, in quo spondeum quoque admittit, ultima syllaba abundans sicuti ubique communis est:

—U|—L|—U|—|—U|—L|—U|—

Da puer plectrum, choreis ut canam fidelibus.

Ad hoc genus nonnulli quoque referunt hymnum Claudiani Mamerti de passione Christi: Pange lingua gloriosi prælium certaminis; juxta vero opinionem Bedæ hujus hymni prior versus dimeter acatalectus est, alter dimeter catalectus, uterque trochaicus:

$$\begin{array}{r} 1. \quad 11111 \\ 2. \quad 11111 \end{array}$$

quo modo etiam in Breviario Romano, et a Leysero editus distingvitur.

Præter hæc carminum genera, quæ cum omnia ad Dactylica, Jambica, Trochaica, Choriambica, et Anapæstica referri possint; nihil habent, quod offendant; exstant nonnulla alia, in quibus rhythmicæ poesis variis artificiis prodiena destituitur Veterum exemplo, nec probari potest: hujusmodi generis sunt carmina alphabetica, quæ dupliciter a literis initialibus ordine continuo deducuntur, vel cum in versibus singulis, vel in colis singulis tale literarum initium est; alia in quibus initium prioris versus distichis singulis est finis posterioris, alia denique, quæ literis singulis ab initio vel interdum quoque in fine cujusvis strophæ positæ singularem sententiam, nomen, aut his similia. Conferantur verbi causa Damasi Acrostichis de nomine Jesu, et duo hymni Sedulii.

Hac de re igitur, nec non de stylo minus eleganter, quantitate syllabarum neglecta et vocibus peregrinis a multis male audiunt sacri poetæ; exotica vero verba adhibuerunt et Veteres poetæ, cur non etiam recentiores eodem gauderent jure, sancito auctoritate Horatii*):

Dixeris egregie, notum si callida verbum
Reddiderit junctura novum. Si forte necesse est
Indiciis monstrare recentibus abdita rerum,
Fingere cinctutis non exaudita Cethegis
Continget, dabiturque licentia sumpta pudenter:
Et nova fictaque nuper habebant fidem, si
Græco fonte cadant, parce detorta. Quid autem
Cæcilio, Plautoque dabit Romanus ademtum
Virgilio, Varloque? ego cur acquirere pauca,
Si possim, inuideor? Cum lingua Catonis et Enni
Sermonem patrium ditaverit, et nova rerum
Nomina protulerit, licuit, semperque licebit
Signatum præsentem nota producere nomen.

Et sane pleraque si non cuncta, nova nomina, quibus nostri utuntur, græco fonte cadunt, et præcipue hæc sunt: abyssus, allophylus, anathema, azymus, brabeum, caumata, charasso, charisma, chrisma, colymbus, energema, eremus, hydrinus, mastigophori, protoplasti, tristega, tumbæ, zabolus.

Quod ad quantitatem syllabarum a poetis sacris neglectam attinet, negari nequit, leges a profanis sanctitas sæpius a nostris violari, potius sine dubio voluntate quam ignorantia; corripitur ab illis contra naturam Litera a in vocibus frustra, Andrea, Damas: h. I, v. 5, qva, Prud. Cath. 12, 106.

*) Ars poetic. v. 47-59.

Litera e in secunda Imperativi persona, ut extorque apud Prudent., in compositione, ut in: enorme, enervo, eneco, emendo; penultima in vocabulo Bethlem, Prud. Cath. 7, 1.

— **i** prima in vocibus fio, spiritus, Sedul. h. 1 v. 110.

— **o** penultima in socors, Prud. Cath. 1, 34.

Syllaba as in nomine Elias, Paulin. Nolan. Prec. 2 v. 42.

— **es** in quibusdam nominibus, ut in: pubes Prud. Cath. 7, 102; lues, Hamart. v. 250; at hoc loco rectius legitur luis; Herodes apud Sedul. h. 2 v. 29.

Prenomen cui, Dativus monosyllabus, dissyllabus utraque brevi.

Producitur contra naturam

Litera a penultima in: utraque, recto casu, et in genere frequens est, præsertim Prudentio, positio illa, quæ brevis, inprimis a et e, in fine producitur propter sequentis vocis geminam Consonantem, verbi causa: reliqua, Prud. Cath. h. 5 v. 152; sordida, h. 9 v. 56; tristia, ibid. v. 78; anima, Cath. Præfat. v. 35, h. 10 v. 5 etc.

Syllaba us in voce domus, Nominativ. Singular., Paulin. Nol. Prec. 1, v. 15. prima Pronominis cui, et hoc Prudentii proprium.

Porro vocabula quædam a Græcis in usum latini carminis a poetis christianis sumpta mutant quantitatem

a vel cum longæ vocales corripiuntur, ut *η* in Latinum e breve, ἐκκλησία, ερημος, ἠθικη, ψαλτηριον, ecclesia, erēmus, ethica, psaltērium; vel in i breve, παρακλητος, paraclitus, ενεργημα, energima.

b) vel cum breves vocales producantur: *ἰδέα, μακεδων, θεμα*, idea, macedo, thema.

c) vel cum e Diphthongo fit *μονοφθογγος*, ut: *ἄρεσις, αἰνιγμα, ἑλογεῖον, σαφειρικος*, hēresis, ἔνigma, elogiū, saphirīnus.

Denique Sedulius in hymno, qvi inscribitur Colatio Veteris et Novi testamenti, non modo synalephen, sive elisionem omisit, verum etiam litera h ut consonantē usus est.

"Stylum poetarum christianorum non posse comparari cum stylo antiquorum scriptorum aurei, ut vulgo appellatur ævi, nemo non intelligit, qvi scit, cultum literarum humanarum jam admodum maruisse, cum sacri poetæ flourerent, et quæ ipsi cantant sermone bene latino eoque poetico reddere difficillimum esse; non enim ut clarissimi olim Latii poetæ almam Cererem et munera Bacchi, non cæcos cupidinis ignes, non horrida bella et rigidj certamina Martis, non genus Deorum heroumque res gestas flore juventutis tempora cincti et læta fortuna gavisī cecinerunt, aut populi mores carmine mordaci perstrinxerunt, ut principibus placerent, Mecænates sibi pararent, aut genio suo indulgerent, sed gravioris sæpissime ætatis, cum jam hebesceret ingenii vis hanc vel illam sacræ Scripturæ partem metricè expresserunt, de dogmatibus religionis christianæ, Jesu Christi beneficiis et morte cruenta, ut ad pios sensus variasque virtutes excitarent, et a vitijs detererent homines, disseruere, aut memoriā Sanctorum Martyrumque arrepta a diebus festis occasione, interdum quoque res, quæ ad externum Dei cultum pertinent, celebrarunt: nonnulla interea ex hisce carminibus sacris et hodie voluptas capitur*), et re vera quidam poetarum christianorum eo videntur ingenio valuisse, ut alia in conditione, alioque rerum et temporum statu præclara opera posteris relinquere potuissent' **).


*) Ich liebe die Gesänge derselben alten Christen wegen ihrer Einfalt, Salbung und, ich möchte sagen Hersenshoheit. Denn in den meisten ist das Ganze ein ohne Kunst in der æchten Sprache des Herzens gesagtes Gefühl. Johannes v. Müller Sämmtliche Werke, 5ter Theil S. 237 - 242.

Conf. Oedrichs Comment etc. G. Fabricii Poet. Vet. Eccl Opera etc.; Seelen de poesi christian etc., L. G. Gelhud Dissertat. historice theologica de modo propagandi religionem per carmina, Brunsvic, 1723.

H y m n i

Veterum Poetarum Christianorum

S e l e c t i.



H y m n u s

in Pascha Domini s. de ligno vitæ*) Victorino
Petavionensi adscriptus.

Est locus, ex omni medium quem credimus orbe,
Golgotha Judæi patrio cognomine dicunt,
Hic ego de sterili succiso robore lignum
Plantatum memini fructus genuisse salubres,
Non tamen hos illis, qui se posuere, colonis 5.
Præbuit, externi fructus habuere beatos.
Arboris hæc species uno de stipite surgit,
Et mox in geminos extendit brachia ramos,
Sicut plena graveis antennæ carbasa tendunt,
Vel cum disjunctis jura stant ad aratra juvencis. 10.

*) Victorinorum Scripta edit. ab Andr. Rivino, Gothæ.
1652, 8.

v. 1 medium quem credimus, ita Cod. Dunens, et Corn.
Guather.; Alii. medius, quem cernimus.

v. 5. Succiso, Fabricius et Picus succisum. Sterile autem
robur vocat poeta stemma Davidicum, de quo non aisi
virgo Maria supererat.

v. 9. Sicut. Ita rectius Anglicus Cod. et Fabric., Guatheri
Cod. sic ubi.

v. 10. Sic Fabricius, Vicelius: sunt ad aratra; Anglieus Cod
sunt ab arante; Edit. Argentin. et Muling. inscitius
adhuc. ab aratro.

Qvod tulit hoc primo, maturo semine lapsum,
 Concepit tellus. Mox hinc, mirabile dictu,
 Tertia lux iterum terræ superisque tremendum
 Extulerat ramum vitale fruge beatum;
 Sed bis vicens conformiter ille diebus 15.
 Crevit in immensum, cælumque cacumine summo
 Condidit, et tandem sanctum caput abdidit alto:
 Cum tamen ingenti bisenos pondere ramos
 Edidit, et totum spargens porrexit in orbem,
 Gentibus ut cunctis victum vitamque perennem 20.
 Præberent, mortemque mori qui posse docerent.
 Expletis etiam mox quinquaginta diebus,
 Vertice de summo divini nectaris haustum
 Detulit in ramos cælestis, spiritus, aura,
 Dulci rore graves manabant undique frondes. 25.
 Ecce sub ingenti ramorum tegminis umbra
 Fons erat, hic, nullo casu turbante serenum,
 Perspicuis illimis aqvis, et gramina lætos
 Fundebant circum vario de flore colores;
 Hunc circum innumeræ gentes populi que coibant, 30.
 Qvam varii generis, sexus, ætatis, honoris,

v. 15. Ita Rivinus. Fabricius: firmatus et ille diebus; Angl. Cod. confirmato ille; Argenterat. et Muling. firmatur et ille diebus.

v. 25. Non cælitus, sed a sapremo arboris hujus cacumine, ipso scilicet Salvatore, sanctum spiritum demissum venisse super Apostolos hæc verba innuunt.

v. 27. Nullo turbante serenum. Sic Cod. Anglic. et Guatheri; alii, nullo turbante sereno, qvod nihil est, nam nubium tempus et pluvium turbat, nequaquam serenum, nec magis arridet Fabricii: serenus, quia statim sequitur, qvod idem, perspicuis illimis aqvis.

Innuptæ nuptaque simul, viduaque nurusque
 Infantes, puerique viri, juvenesque senesque:
 Hic ubi multigenis flexos incumbere pomis
 Cernēbant ramos, avidis attingere dextris 35.
 Gaudebant madidos cælesti nectare fructus.
 Nec prius hos poterant cupidis decerpere palmis,
 Qvam lutulenta viæ vestigia foeda prioris
 Detererent, corpusque pio de fonte lavarent:
 Ergo diu circum spatiantes gramine molli 40.
 Suspiciunt alta pendentes arbore fructus:
 Tum, si quæ ex illis delapsa putamina ramis,
 Et dulces, multo rorantes nectare, frondes
 Vescuntur, veros exoptant sumere fructus;
 Ergo ubi cælestem ceperunt ora saporem, 45.
 Permutant animos, et mentes perdere avaras
 Incipiunt, dulcique dapem cognoscere sensu.
 Insolitum multis stomachum novisse saporem
 Vidimus et fellis commotum melle venenum

v. 32. Pro: nurusque magis placet Rivin. socrusque veluti aniculæ; meliori sequentis versus ordini ille quoque consulit scribendo:

Infantes, pueri, juvenesque viri, senesque.

v. 39. Detererent, ita Fabricius: magis ad rem apposite Angl. Cod. Detegerent 3: pœnitentes peccata sua confessione sincera aperirent.

v. 47. Dapem, hoc vocabulum Rivinus substituit pro hominem, quod nullum sensum admittit. Hic, et sequentes quini versiculi a plerisque exemplaribus, Edit. quoque Argentin. et Muling. absunt, et licet ille 47 vix possit abesse, cum ad perficiendum sensum ejus, qui præcessit, desiderari omnino videatur, attamen succedentes merito vel ob ultimam voculam aliquoties reiteratam suspecti sunt.

Rejecisse bonos turbata mente sapes, 50.
 Aut auide sumptum non dilexisse, diuque
 Et male potatum tandem evomuisse saporem;
 Sæpe quidem multi renovatis mentibus ægros
 Restituere animos, et quæ se posse negabant,
 Pertulerant, fructumque sui cepere laboris; 55.
 Multi etiam sanctos ausi contingere fontes
 Discessere iterum subito, retroque relapsi,
 Sordibus et coeno mixti volvuntur eodem;
 Multi vera bono portantes pectore, totis
 Accipiunt animis, penitusque in viscera condunt. 60.
 Ergo qui sacros possunt accedere fontes
 Septima lux illos optatas sistit ad undas,
 Tingit et in liquidis jejunos fontibus artus,
 Sic demum illuviem mentis vitæque prioris
 Deponunt labem, purasque a morte reducunt 65.
 Illustres animas, cælique ad lumen ituras.

v. 56. Fontes. Alii: mentes, unde Rivinus suspicatur menses scriptum fuisse.

v. 61. Qui Ita Angl. Cod. et Eabric., al quique.

v. 66. Lumen. Sic Mss omnes pro: limen. quod vulgo legitur; at perplacet vetus lectio, nam veteribus, observante Scaligero, φωτίζεσθαι erat βαπτίζεσθαι, et apud Gregor Nazianzenum atque Nyssenum festum Epiphaniae seu Baptismatis Christi εορτή vel ἡμέρα τῶν φωτῶν salutabatur. Postquam baptismo expiati essent Candidati, in abbas procedentes, cereosque accensos manibus portantes versus Orientem ab Occidente in chorum fidelium ducebantur cum hymnis et faustis adprecationibus. Conf. Ebr. 6, 4. φως est cujuslibet cognitionis imago; in N. T. tamen illius maxime, quæ

Hinc iter ad ramos, et dulcia poma salutis,
 Inde iter ad cælum per ramos arboris altæ,
 Hoc lignum vitæ cunctis credentibus, amen.

per religionem christianam comparatur, Joh. 1, 9; Luc. 2, 32; Act. 26, 18; unde φωτίζειν tradere alicui religionem christianam, Eph. 1, 18, conf. 2 Cor. 4, 6; multum præstantiæ rhetorico huic loco periret, si φωτίζειν cum vers. Syr. Justino Dial. 2 pag. 94 et Clem. Alex. Pædag. Lib. 1 C. 6 de baptismo tantummodo intelligere velles. Heinrichs ad h. l. Baptismus φωτισμος, illuminatio vocabatur, quod hominum mentes divina cognitionis luce perfunderet, quemadmodum id nomen in Chrysostomo (Homil. 13 edit. Eton 1612) Nazianzeno (Orat. 40 de bapsism.) Dionysio Areopagita (Hierarch. eccles. cap. III) Concilio Laodiceno (cap. 47) aliisque scriptoribus frequenter occurrit. Ratio istius nominis petenda esse videtur partim ex prævia catechumenorum institutione in præparatione eorum ad baptismum, secundum illud Iustini Martyris (Apolog. II pag. 94. Paris. 1636) καλεῖται δὲ τὸ τοῦ λυτρῶν φωτισμος ὡς φωτιζομένων τὴν διάνοιαν τῶν ταῦτα μανθανόντων, "vocatur lavacrum hoc illuminatio, quod eorum, qui hoc discunt, mentes illuminentur". Partim etiam inde, quod esset introitus in statum illuminatum. et introductio in divinam cognitionem, quæ gradatim perfectior evadat. Nam Iustini verba de illuminatione baptismum consequente intelligi possunt. Atque hoc modo rationem appellationis hujus reddunt Clemens Alexandrinus (Pædag. L. 1 c. 6) et Pseudo-Dionysius, quod cum baptismus primam lucem conferat, omniumque divinarum illustrationum principium existat, ex effectu illustrationis nomine celebretur. Fortassis ita etiam vocari potuit, eo quod baptizati nunc ad omnes mysticas partes et reconditam notitiam religionis admitterentur, quæ ex disciplina ecclesiæ illis, dum essent catechumeni, celabantur. Vid. Bingham Orig. Eccles. Tom. IV.

Fabii Marii Victorini

H y m n u s

de Jesu Christo deo et homine*).

Verbum Christe dei, patris cælestis imago,
Protulit hunc partus, genitum de virgine foeta,
Invictusque pudor gaudet peperisse tonantem
Ex utero, sine matre deum, de conjuge nullo,
Maternosque sinus cælum fecisse secundum. 5

Corporis augusti parva spatiatus in aula,
Intra membra manens, animaque et conditor ævi,
Natus homo, nostrosque deus nutritus in annos.
Dignatus toti placidum se protulit orbi.

Solstitialis hyems, astrumque insigne movetur 10

In cælo fulgens, ut mundus crederet omnis

Ob culpam veniale jubar: tu suffice vires

Arbiter inque novos. aperî præcordia sensus,

Et tandem tu solve tibi! tranquillus in astris

Forte pater residens, mentem virtute parabat, 15

Curans nostræ animæ regnum, cælestia templa,

Tellurisque vices, verbum medicabile dixit.

Nascere (namque placet; præruptæ carcere mortis

Eripiam mortale genus) spes gentibus esto,

Principium sine fine, quod abstulit invidus error, 20

Quod facinus commisit atrox, tolletur id omne,

Ad veniam venias homini: stat fulmen et imber

Ignis in obsequio, glacies, vapor, æstus et auræ

*) Victorinorum scripta edit. ab Andr. Rivino. Gothæ
1652, 8.

v. 22. Venias. Aptius hoc respondet prægresso: spes gentibus
este, quam quod vulgo legitur. venere.

Conveniunt famulante Noto, terræque triumphant
 Et cælum sublime tonat, pars ardua gaudet 25
 Cum domino venisse pio: tunc nascitur infans
 Matura virtute deus, cui vertice sacro
 Cæsaries librata micat, splendetque superna
 Fulmineum per membra jubar, decus omne per ora
 Eminent, et faciem, patrique simillimus ille, 30
 Ut ne quid differret. erat: miracula cujus
 Gloria consequitur, fluvios in vina refundens,
 Hoc donum sponsale dedit, tum fruge comesta
 Congeriem superesse jubet, tot millia turbæ
 Conveniunt esura, dehinc matrisque dolorem 35
 Conspicit, ad manes ducentem flebile funus,
 Ponite, ait. juvenem, nihil est, quod mortis iniquæ
 Exinctum lamenta ferant, dixitque: resurge,
 Et rursum cognosce diem, jussumque cadaver
 Prosilit ante oculos, lætus fit plangor in omnes. 40
 Qvod meruit non posse, virum tunc corripit unum
 Spiritus hostilis, vultum cui protinus omnem
 Perdiderat rabies, stimulis gerit effera lora
 Torta caput, stridens et anhelos pectus hiatu,
 Spuma furit mixtusque color moerentis in illo, 45
 Non ridentis erat: vires sed perdidit hostis
 Adventu propiore dei, gemituque profatur:
 Cedimus inviti, toto nam pellimur orbe,
 Te regnante, deus! terras hominesque relinquo,
 Ulterius tentare timens: sic ille reffectus 50

v. 40. In omnes. Forte legendum: in auras.

v. 41. Qvod meruit non posse. Sensus: de quo dolendum est, quod tantum possit, et plus quidem, quam meruerat posse spiritus hostilis.

Surgit et ad nostrum specimen redit, hoste repulso.

Progreditur virtus nostræ medicata saluti,

Pervenit ad fragiles, hic rivum corpore putrem

Fonte lavat, claudum firmat, reficitque jacentem,

Et cæco dat nosse diem: procede sepulchro 55.

Lazare! clamat, et hæc ad vitæ lumina surge,

Atque hæres succede tibi: subito ille regressus

Auctorem viditque suum, novitque magistrum.

Extremum mulier, domini cui tangere vestem,

(Saucia quæ fuerat jamdudum sangvine fluxo) 60.

Contigit, et vires subitos collegit in artus.

Funera tot curans hominum, tot vulnera purgans,

Et deus et medicus, judex pater auxiliumque,

Omnia Christus erat: Petro sublime locutus:

Claves sume poli, cujus tu janitor esto, 65.

Quæque voles, licuisse dedi: sic dixerat, altæ

Finis in occidui metas portæque subibat

Pronior orbe dies, et limen pandere noctis

Cæperat; hinc epulis jussi de more sodales

Ad mensam adventare dei, tunc præscius ipse: 70.

Traditor unus hic est, mecum qui vescitur, inquit,

Non facinus, sed tempus habens: ruit inde caterva

Vim factura deo, gladios cui præbuit ira,

v. 51. Ad nostrum specimen. Forte quoque hic scriptum fuit: ad nostram speciem.

v. 7. Atque hæres succed: tiki. Redivivus ipse sibi in hæreditate succedit.

v. 72. Non facinus sed tempus habens. Hoc non ita intelligendum, ut Judas non dicatur facinus habere facinorosissimus; respicitur forsitan ad illud, quod Johannes C. 13 v. 27 memorat, Judam a Domino fuisse monitum, ut, quod meditatus fuerat, facinus maturet, quasi scilicet tempus jam habeat.

Et dedit arma furor: tradens dedit oscula signum
 Perfidus, et justo confregit guttura nodo. 75.
 Forte dies solennis erat, quo jure tribunal
 Privatum lictore silet, tortore quieto,
 Non Ebræa minax ponit vindicta furorem,
 Supplicio fugiente caput, tunc Christus habetur
 Majestate reus, fuit ardens improba turba, 80.
 Hunc satis est jam morte mori, flagrisque cruentum
 Affixere cruci: felix sed germine lignum
 Qvod meruit portare deum, proh gloria quanta est!
 Ligno vita perit, per lignum vita revertit,
 Jungunturque scelestæ pio, fit latro beatus, 85.
 Et caruit fecisse nefas, dominumque fatetur,
 Digna pati referens, meruit de crimine palmam,
 Et placuit comes ire deo, sed linquitur alter,
 Non credens, gemitu expiransque in tartara plangit.
 Sed deus omnipotens patrem clamore per auras 90.
 Suprema jam voce vocat: quia deseror, audi!
 Tempus erat flatum patri solvisse tonanti,
 Et manes patuere, profugit et undique cælum,
 Turbinibus natura perit, mixtisque tenebris
 Nox fuit illa dies, confusa nube premebat 95.
 Arva, domosque chaos, fixus stetit impiger axis,

v. 86. Et caruit fecisse nefas. Elliptice pro: et caruit pena æterna, quod tantum nefas patrarit.

v. 87. Non ob crimen palmæ honorem retulit, sed quod penitentia ultro fassus fuerit, se cum socio digna flagitiis suis pati.

v. 92. Flatum. Ita scriptum fuisse judicat Rivin. cumque voci illi, flatum Scholiastes quidam superscripsisset spiritum, inde postea textui hoc obtrusum a librariis.

v. 93. Manes h. l. ut supr. v. 36 sepulchra.

Concurrunt montes, raptosque a sede procella
 Ancipites per inane rotat templisque decorem
 Rumpunt vela, crepant fissæ formidine cautes,
 Mortis opem negat ipse furor, discordia mundi 100.
 Planctus erat, sævi quem fecit fama pericli;
 Mæsta fluenta gemunt, et luctum flumina plorant,
 Inque sinus rediere suos, a sedibus imis
 Tartarus evomuit procures, patresque beati
 Consurgunt, moriensque deus reparatur in omnes, 105.
 Vim patiens hominum, vitali morte sepultus;
 Noluit esse nefas, magis indulgentia semper
 Qvam vindicta placet, rupit penetrale resurgens
 Carceris in visi, mox rursum in sæcula venit
 Omnipotens, iterum Jesus post funera vixit: 110.
 Regia forte poli tum primum lumen agebat,
 Æternum testata diem, clarumque per orbem
 Cuspide fulminea noctis diviserat umbram
 Stellifero temone jubar: deus ultor ab umbris
 Ecce redit, vivusque suis (mirabile visu) 115.
 Corporeus per clausa venit, dubiumque sodalem
 Alloquitur, firmans animum, corpusque retexens,
 Infer, ut agnoscas, digitum, clavosque revulsos,

v. 102. Et luctum flumina plorant. Forsan legend. et fluctus flumina plorant, cum sequatur. Inque sinus rediere suos.

v. 103-4. Conf. Pott. in 1 Petr. 3, 19; ejusdemque Excurs. III de Descens. J. C. ad infer.

v. 108. Rupit, ita Rivin. pro particul. quamvis, quæ vulgo legitur, et nullum sensum admittit.

Mox. Ob metri rationem substitui hoc vocabulum pro. an, quod Fabricius, et. at, quod Rivinus habet.

Clarumque Sic legend. videtur pro clarusque.

Perfossumque latus, veniens ubi pondere sævo
 Lancea constiterit, faciant te signa fidelem: 120.
 Sic ait egrediens, cælum patremque petebat
 Temporis angusti paullum tellure moratus.
 Excipitur radiante throno, quem gloria tractum
 Voce sonat, dominumque capit per mœnia cæli
 Sideribus gemmata domus, cui limina clavis 125.
 Pandit stella comis, decus iridis atria curvat,
 Porticibus lux ampla jacet, crucis alta columna
 Adest, et hic sine nocte dies, hic sceptrâ regenti
 Fulmina cœsunt, strepituque tonitrua fervent;
 Angelicos vocat ordo choros, servire paratos, 130.
 Sol etiam rapidus, lunæ quoque splendidus axis
 Excubat, observant auræ, pluvieque jubentur
 Omnigenum rorare solum, te maxime mundi
 Arbiter! exorat pelagus, te flumina, fontes,
 Stagna, lacus, fluctus, et mersæ gurgēs abyssi 135.
 Te recinunt volucres, et vulgus reptile ponti,
 Te sperant animæ, veniam te vindice poscunt.

Hymnus Damasi *).

de S. Andrea Apostole **)

Jambic. Quaternar.

Decor sacrate Numinis;
 Virumque nomine exprimens,

*) Damasi carmina sacra — ab Andr. Rivino. Lipsiæ 1652, 8.

**) Andreas, frater Simonis Petri, natus Bethsaidæ Galilææ, primum Johannis Baptistæ, deinde Jesu Christi

Sic te decorum prædicat

Crucis beatæ gloria!

Andrea Christi, Apostole,

5.

Hoc quippe jam vocabulo

Signaris, isto nomine

Decorus idem mystice.

Qvem crux ad alta provehit,

Crux quem beata diligit,

10.

discipulus et Apostolus *). Postquam ex his terris discessum Servatoris fertur Andreas religionem christianam per Cappadociam, Galatiam, Bithyniam usque in Schythiam promulgasse, Stachyn, a Paulo laudatum (Rom. 16, 9) episcopum primum Bygantii constituisse, et postea per Thraciam, Macedoniam et Thessaliam divinam doctrinam magno studio multisque miraculis confirmasse; ad postremum vero Patræ Achæiæ jussu proconsulis Ægeæ, indignati ob uxoris Maximillæ et fratris Stratoclæ conversionem ad Christum exhortationibus apostoli, hic dicitur graviter cæsus cruci, et quidem, ut ajunt, decussatæ non clavis, sed ut diutius torqueretur, fune adligatus tandem die 30 Novembris, incertum cujus anni, e vita decessisse. Quæ narrationes, etiamsi vix ullam merentur fidem, utpote hujusce hymni interpretationi inservientes commemorantur. Vid. Nícephor. Histor. eccles. L. 2 c. 39; Men. Græcor. ad diem 30 Novembr. Abdiæ Histor. Certam. Apostol. et inprinus Celebr. Münsteri Den ældste Kirkes Forfølgelses Historie.

*) Πρωτόκλητος ab antiquis scriptoribus ecclesiasticis minus recte appellatur: ως πρωτόκλητον πάντων τῶν μαθητῶν και αὐτοπην τῆ λόγου και ὑπεργέν, Ἀνδρέα ἀπόστολε, κατα χρεος τιμῶμεν σε. Vid. Menæa Græcor.

v. 1. Primo hoc versiculo respici, quod cum Petro fratre primus fuerit Christi Apostolus, secundo vero, quod dicatur Andreas, sequens strophæ innuit, ubi vocabulum Apostoli a nomine Andræ distinguitur.

Cui crux amara præparat
Lucis-futuræ gaudia.

In te crucis mysterium
Cluit gemello stigmatē
Dum probra vincis per crucem
Lucisque pandis januam.

15.

Jam nos foveto languidos,
Curamque nobis subjice,
Qvo per crucis victoriam
Cæli petamus patriam.

20.

v. 14. Cluit gemello stigmatē. Cluit ɔ: pollet; gemello stigmatē, genuino. ceu nomine, qvi et probra vincat per crucem ut vir, et fundat sangvinem pro cruce, seu doctrina Crucifixi, ut ejus et Apostolus et martyr. Stigma, nota vulneris corpori impressa. Notis corpōra signabant gentiles, easque notas religionis causa membris, fetra inurebant. Membra ejusmodi stigmatis notata post mortem non una sepeliebant cum reliquo cadavere, sed amputata habebant pro sacris, eaque aut ornabant bracteis aureis, aut tota includebant vitris et metallis; Conf. Prudent. Stephan. hymn. X. Inde fortasse invasit ille mos in ecclesiam, ut digiti, brachia, articuli sanctorum includerentur vasis, et osculanda porrigentur, aut proponerentur spectanda. G. Fabric. Comment. in Post. Christian. Conf. Svicer. Thesaur. eccles.

v. 16. Lucisque pandis januam. Ita Rivin., sic enim respondet præcedentis et succedentis strophæ versibus pariter ultimis, quando crux amara præparare lucis gaudia, et per crucis mysterium cæli patria peti dicitur, ita vero hic per crucem lucis pandi janua.

v. 17. Jam nos foveto virili tuo nomine et exemplo.

v. 19. Qvo per crucis victoriam, subintellig. Christi.

Qvos fidei titulus decorat,
His Venerem magis ipsa premat.

20.

Jam renitens quasi sponsa polo,
Pro misero rogitet Damaso,
Sic sua festa coli faciat,
Se celebrantibus ut faveat.

pagis dicuntur, et ævo, quo Notarii acta scripsere, nemo pagani voce pro ethnico usus est, sed aut de rusticis, aut urbanis nunquam militiæ adscriptis; si vero æternæ præferatur, ob metrum legatur. æterna.

v. 19-20. Cum Agatha represserit ætneum ignem, ne multitudini paganorum incommodaret, multo potius nunc in fidelibus incendia libidinum et concupiscentiæ flammæ restinguat. Pro. Venerem placet Rivino legere. cinerem. Affectus humanos doloso cineri suppositos, ne erumpant, reprimat.

v. 21. Renitens. Sic Rivin. cum Galfrido (in Expositione hymnor. Basileæ 1497 p. 17). Alii renidens.

v. 22. Pro misero rogita Damaso. Non dubium est, inquit Rivin. ad h. l. quin ita prius scriptum ab auctore fuerit, cum vero hymnus hic in ecclesia cantaretur, seqvioribus sæculis mutatus hic ita fuit versus, ut habet Clichtoreus, Msti Hymnarii et Galfridus Grammaticus: Pro miseris supplica domino! scilicet ut consonantiam servarent finalem illius carminis cum præcedenti versu, polo acil quorum rythmorum nimis affectanter fuerunt studiosi, alias melius dixissent. Pro miseris rogita dominum. Ipse vero propius legi dixerim hoc pacto. Jam renitens quasi sponsa polo Pro misero rogita populo: nisi forte seqvientes duo versus omnino ostendant domino fuisse scriptum, qui se celebrantibus debeat favere, siquidem sua festa velit coli. Aut sane scribendum rogitet illa (ut premat) sic sua festa postea legi et intelligi posseut.

Hymni Ambrosiani*)

I.

Jambic. Qvaternar.

<i>Æterne rerum conditor,</i>	In Breviar. Rom. A.
<i>Noctem diemqve qvi regis,</i>	Dominic. proxim.
<i>Et temporum das tempora</i>	Calend. Octbr. usqve
<i>Ut alleves fastidium;</i>	ad Adventum, in Di-
<i>Præco diei jam sonat</i>	luculo 5
<i>Noctis profundæ pervigil,</i>	
<i>Nocturna lux viantibus</i>	
<i>A nocte noctem segregans,</i>	
<i>Hoc excitatus lucifer</i>	
<i>Solvit polum caligine,</i>	10.
<i>Hoc omnis erronum chorus</i>	
<i>Viam nocendi deserit.</i>	
<i>Hoc nauta vires colligit</i>	
<i>Pontiqve mitescunt freta,</i>	
<i>Hoc ipsa petra ecclesia</i>	15.
<i>Canente culpam diluit</i>	
<i>Surgamus ergo strenue,</i>	
<i>Gallus jacentes excitat</i>	
<i>Et somnolentos increpat,</i>	
<i>Gallus negantes arguit.</i>	20
<i>Gallo canente spes redit,</i>	
<i>Ægris salus refunditur</i>	
<i>Mucro latronis conditur,</i>	
<i>Lapsis fides revertitur.</i>	
<i>Jesu labantes respice,</i>	25
<i>Et nos videndo corrige</i>	

*) Ambrosii Mediolan. Episc. opera, Parisiis 1690, fol.

Si respicis lapsus cadunt,
 Pletuque culpa solvitur.

Tu lux refulge sensibus
 Mentisque sominum discute!
 Te nostra vox primum sonet,
 Et vota solvamus tibi.

II.

Deus croator omnium
 Polique rector vestiens
 Diem decoro lumine,
 Noctem soporis gratia.

Artus solutos ut quies
 Reddat laboris usui,
 Mentcsque fessas allevet,
 Luctusque solvat anxios.

Grates peracto jam die,
 Et noctis exortu preces
 Votis reos ut adjuves,
 Hymnum canentes solvimus

Te cordis ima concinant,
 Te vox canora concrepet,
 Te diligat castus amor,
 Te mens adorat sobria.

Ut cum profunda clausurit
 Diem caligo noctium,
 Fides tenebras nesciat,
 Et nox fide reluceat.

Dormire mentem ne sinas,
 Dormire culpa noverit,
 Castos fides refrigerans
 Somni vaporem temperet.

Exuta sensu lubrico 25.
 Te cordis alta somnient,
 Nec hostis invidi dolo
 Pavor, quietos suscitet.

Christum rogemus et Patrem,
 Christi Patrisque spiritum 30.
 Unum potens per omnia
 Fove precantes trinitas.

III.

Jam surgit hora tertia,
 Qva Christus adscendit crucem,
 Nil insolens mens cogitet,
 Intendat affectum precia.

Qui corde Christum suscipit, 5.
 Innoxium sensum gerit:
 Votisque præstat sedulis,
 Sanctum mereri spiritum.

Hæc hora, qva finem dedit .
 Diri veterno criminis 10.
 Mortisque regnum diluit,
 Culpamque ab ævo sustulit.

Hinc jam beata tempora
 Cæpere Christi gratia:
 Fide replevit veritas 15.
 Totum per orbem ecalesias.

Celso triumpho vertice
 Matri loquebatur suæ:
 En filius, mater, tuus!
 Apostole, en mater tua! 20.

Prætenta nuptæ foedera
 Alto docens mysterio,

Ne virginis partus sacer
Matris pudorem læderet.

Cui fidem cælestibus

Jesus dedit miraculis:

Nec credidit plebs impia;

Qui credidit salvus erit.

Nos credimus natum deum,

Partumque virginis sacræ,

Peccata qui mundi tulit

Ad dexteram sedens Patris.

IV.

Veni redemptor gentium *), Danic. Kom Hed-

Ostende partum virginis:

ningernes Frel-

Miretur omne seculum:

ser sand etc.

Talis decet partus deum.

Non ex virili semine,

5.

Sed mystico spiramine,

Verbum dei factum est caro,

Fructusque ventris floruit.

Alvus tumescit virginis

Claustrum pudoris permanet:

10.

Vexilla virtutum micant:

Versatur in templo deus.

Procedens de thalamo suo,

Pudoris aula regia

*) Breviarium Cisterciensis huic hymno primam stropham,
quæ nusquam alibi reperitur, sic exhibet.

Intende quis Regia Israel,

Super Cherubim, qui sedes:

Et pare Ephrem coram, excita

Potentiam tuam et veni:

✓. 13. Procedens, Faustus Regiensis. Procedere.

Geminæ Gigas substantiæ,
Alacris ut currat viam.

15.

Egressus ejus a patre
Regressus ejus ad patrem:
Excursus usque ad inferos,
Rekursus ad sedem dei.

20.

Æqualis æterno patri
Carnis trophæo attingere
Infirma nostri corporis
Virtute firmans perpeti.

Præsepe jam fulget tuum,
Lumenque nox spirat novum,
Quod nulla nox interpolet,
Fideque jugi luceat.

25.

V.

Illuminans altissimus
Micantium astrorum globos,
Pax, vita, lumen, veritas,
Jesu fave precantibus.

Seu mystico baptismate
Fluenta Jordanis retro
Conversa quondam tertio
Præsente sacraris die.

5.

Seu stella partum virginis
Cælo micans signaveris,
Et hac adoratum die
Præsepe Magos duxeris.

10.

Vel hydriis plenis aquæ
Vini saporem infuderis:
Hausit minister conscius,
Quod ipse non impleverat.

15.

Aqvas colorari videns,
 Inebriare flumina;
 Mutata elementa stupent
 Transire in usus alteros.

Sic quinque millibus viris,
 Dum quinque panes dividis,
 Edentium sub dentibus
 In ore crescebat cibns.

Multiplicabatur magis
 Dispendio panis suo:
 Qvis hæc videns mirabitur
 Iuges meatus fontium?

Inter manus frangentium
 Panis rigatur profluens:
 Intacta quæ non fregerant
 Fragmenta subrepunt viris.

VI.

Splendor paternæ gloriæ, In Breviar. F
 De luce lucem proferens Feriasecun
 Primordiis lucis novæ, laudes,
 Diem dies illuminans,
 Verusque sol illabere,
 Micans nitore perpeti,
 Iubarque sancti spiritus
 Infunde nostris sensibus.

Votis vocemus et patrem,
 Patrem perennis gloriæ,
 Patrem potentis gratiæ,
 Culpam releget lubricam.

Informet actus strenuos,
 Dentes retundat invidi

Casus secundet asperos,
Donet gerendi gr̃atiam.

15.

Mentem gubernet et regat
Casto fideli corpore,
Fides calore ferveat
Fraudis venena nesciat,

20.

Christusque nobis sit cibus,
Potusque noster sit fides,
Læti bibamus sobriam
Ebrietatem spiritus.

Lætus dies hic transeat,
Pudor sit ut diluculum,
Fides velut meridies,
Crepusculum mens nesciat.

25.

Aurora cursus provehit,
Aurora totus prodeat,
In patre totus filius,
Et totus in Verbo pater.

30.

VII.

Æterna Christi munera
Et martyrum victorias
Laudes ferentes debitas
Lætis canamus mentibus.

Ecclesiarum principes
Belli triumphales duces
Cælestis aulæ milites,
Et vera mundi lumina.

5.

Terrore victo sæculi,
Spretisque poenis corporis
Mortis sacræ compendio
Vitam beatam possident.

10.

Traduntur igni martyres
 Et bestiarum dentibus,
 Armata sævit ungulis
 Tortoris insana manus.

15.

Nudata pendent viscera,
 Sanguis sacrat. s funditur,
 Sed permanent immobiles
 Vitæ perennis gratia.

20.

Devota sanctorum fides,
 Invicta spes credentium,
 Perfecta Christi caritas
 Mundi triumphat principem.

In his paterna gloria,
 In his voluntas filii,
 Exaltat in his spiritus,
 Cælum repletur gaudiis.

25.

Te nunc redemptor quæsumus,
 Ut ipsorum consortio
 Jungas precantes servulos
 In sempiterna sæcula.

30.

VIII.

Somno reffectis artubus,
 Spreto cubili surgimus,
 Nobis, pater, canentibus
 Adesse te deposcimus!

In Breviar. Ro-
 man. Feria
 secunda, ad
 Matutinum.

Te lingua primum concinat,
 Te mentis ardor ambiat
 Ut actuum sequentium
 Tu sancte sis exordium.

5.

Cedant tenebræ lumini
 Et nox diurno sideri,.

10.

Ut culpa, quam nox intulit,
Lucis labascat munere.

Precamur idem supplices,
Noxas ut omnes amputes,
Ut ore te canentium
Lauderis in perpetuum.

15.

Præsta pater piissime,
Patrique compar unice,
Cum spiritu paraclito,
Regnans per omne seculum.

IX.

Consors paterni luminis
Lux ipse lucis, et dies,
Noctem canendo rumpimus,
Adsiste postulantis.

In Breviar. Roman.
Feria
tertia, ad
Matutinum.

Aufer tenebras mentium,
Fuga catervas dæmonum,
Expelle somnolentiam
Ne pigritantes obruat.

Sic Christe nobis omnibus
Indulgeas credentibus,
Ut prosit exorantibus,
Quod præcinentes psallimus.

X.

O lux beata Trinitas,
Et principalis unitas,
Jam sol recedit igneus
Infunde lumen cordibus.

Danic. O du
trefoldig
Enighed
etc.

Te mane landum carmine,
Te deprecamur vespere

Te nostra supplex gloria
Per cuncta laudet sæcula. —

Aurelii Prudentii Clementis.

Cathemerinon Liber*).

Præfatio.

In ea breviter perstringit poeta potiora vitæ suæ gesta usque ad annum septimum et quinquagesimum, quo a profanis ad sacra animum ingeniumque traduxit, atque omnium ferme innuit suorum poeticorum operam argumenta.

Vers. Choriambic.

Per quinquennia jam decem,

Ni fallor, fuimus: septimus insuper

Annum cardo rotat, dum fruimur sole vplubili.

Instat terminus, et diem

Vicinum senio jam deus adplicat;

5.

Quid nos utile tanti spatio temporis egimus?

Ætas prima crepantibus

Flevit sub ferulis. Mox docuit toga

Infectum vitiis falsa loqui, non sine crimine:

Tum lasciva protervitas,

10.

Ac luxus petulans (heu pudet ac piget!)

Fœdavit juvenem nequitiæ sordibus ac luto.

*) Aurel. Prudent. Clement. opera, Parmæ 1788, 4to: Liber *Καθημερινῶν* h. e. quotidianorum carminum, quod majore sui parte hymnes continet quotidie canendos.

Exin jurgia turbidos

Armarunt animos, et male pertinax

Vincendi studium subjacuit casibus asperis: 15.

Bis legum moderamine

Frenos nobilium reximus urbium,

Jus civile bonis reddidimus, terruimus reos.

Tandem militiæ gradu

Evectum pietas Principis extulit 20.

Adsumptum propius stare jubens ordine
proximo.

Hæc dum vita volans agit,

Inrepsit subito canities seni,

Oblitum veteris me Saliæ consulis arguens.

Sub quo prima dies mihi, 25.

Quam multas hiemes voverit, et rosas

Pratis post glaciem reddiderit, nix capitis
probat.

Numquid talia proderunt

Carnis post obitum vel bona, vel mala;

Quam jam quidquid id est, quod fueram, mors
aboleverit? 30.

Dicendum mihi, quisquis es,

Mundum, quem coluit, mens tua perdidit.

Non sunt illa dei quæ studuit, cuius habebis.

v. 15. Jurgia. Contentiones forenses.

v. 20. Principis. Theodosii Magni.

v. 22. Vita volans. Cod. Thuaneus vita volens.

v. 25. Inrepsit. Vat. duo oprepsit.

v. 35. Cujus habebis. Glossator unius Vaticani Cod. sic, ad-
quem solum pertinebis, ut remuneret, aut dannet.

Atqvi fine sub ultimo

Peccatrix anima stultitiam exuat. 35

Saltem voce deum concelebrat, si meritis
nequit;

Hymnis continuet dies,

Nec nox ulla vacet, quin dominum canat,

Pugnet contra hereses, catholicam discutiat
fidem,

Conculcet sacra gentium, 40

Labem, Roma, tuis inferat idolis,

Carmen martyribus devoveat, laudet Apostolos.

Hæc dum scribor vel eloquor,

Vinclis, o utinam, corporis emicem

Liber, quo tulerit lingua sono mobilis ultime. 45

Hymnus. I.

Ad Galli Cantum.

Hortatur in illo fideles, ut gallo sub adventum lucis canente, surgant omnes ad canendum Christo Deo, petendamque peccatorum suorum condonationem.

Jambic. Quaternar.

Ales diei nuntius

Lucem propinquam præcinit;

Nos excitator mentium

Jam Christus ad vitam vocat.

In Bréviar. Roman. Feria
tertia de
tempore ad
laudes.

v. 35. Anima. ultima syllaba brevis est, quam metri ratio non admittet; forsân igitur sic. Pravi conscia mens stultitiam exuat. Ceterum conf. supr. p. 17.

11. Idolis. Idolon, *εἰδωλον*, apud Ecclesiasticos etiam Idolum mediam semper habet correptam, fortasse indulgentes consuetudini vulgi, ne in templis discrepans esset cruditorum et multitudinis consensus. Fabric.

Auferte, clamat, lectulos

5.

Ægros, soporos, desides.

Castique recti ac sobrii

Vigilate jam sum proximus.

Post solis ortum fulgidi

Serum est cubile spernere;

10.

Ni parte noctis addita

Tempus labori adjeceris.

Vox ista, qua strepunt aves,

Stantes sub ipso culmine,

Paulo antequam lux emicet,

15.

Nostri figura est judicis.

Tectos tenebris horridis

Stratisque opertos segnibus

Svadet quietem linquere

Jam Jamque venturo die.

20.

Ut quum coruscis flatibus

Aurora cælum sparserit,

Omnes labore exercitos

Confirmet ad spem luminis.

Hic somnus ad tempus datus

25.

v. 6. Ægros, soporos, desides. Ita Heinsius ex fide Mss., quibus Vaticani omnes concordant, præter duos, quorum prior habet ægros sopore desides, alter ægro sopore desides. Vocat autem lectulos ægros, soporos, desides, quia nos ægritudine, sopore, desidia conficiunt; ita etiam infra stratis segnibus v. 18, quia segnitiam inspirant.

v. 15. Paulo ante. Vat. un. nova ante.

v. 21. Coruscis flatibus. Chamillardo suspicio est fletibus legendum esse, quod matutini roris guttas denotaret: videtur autem Prudentius auroram exhibere velle lucem ore spirantem, quam cælo spargat.

Est forma mortis perpetis:

Peccata, ceu nox horrida,

Cogunt jacere æc stertere.

Sed vox ab alto culmine

Christi docentis præmonet;

30.

Adesse jam lucem prope,

Ne mens sopori serviat.

Ne somnus usque ad terminos

Vitæ socordis opprimat

Pectus sepultum crimine,

35.

Et lucis oblitum suæ.

Ferunt vagantes dæmones,

Lætos tenebris noctium,

Gallo canente exterritos

Sparsim timere et cedere,

40.

Invisa jam vicinitas

Lucis, salutis, numinis,

Rupto tenebrarum situ

Noctis fugat satellites.

Hoc esse signum præscii

45.

Norunt repromissæ spei,

Qva nos soporis liberi

Speramus adventum dei.

v. 29. Ab alto culmine. E cælo, adludens ad aves, quæ a tecti culmine monent diem adesse.

v. 54. Vitæ socordis. Vat. unus. mentes socordes.

36. Lucis suæ Christi.

43. Rupto tenebrarum situ. Situs metonymice accipitur pro laugine, quo res humore corruptæ obducantur, atque ita noctis tenebras expressit poeta, quod iis dæmones obvelentur quodammodo et oblegantur.

Qvæ vis sit hujus alitis,
 Salvator ostendit Petro, 50.

Ter ante qvam gallus canat,
 Se se negandum prædicans.

Fit namqve peccatum prius
 Qvam præco lucis proximæ
 Inlustret humanum genus, 55.
 Finemqve peccandi ferat.

Flevit negator deniqve
 Ex ore prolapsum nefas:
 Qvum mens maneret innocens,
 Animusqve servaret fidem. 60.

Nec tale qvidqvam postea
 Lingvæ locutus lubrico est,
 Cantuqve galli cognito
 Peccare justus destitit.

Inde est, qvod omnes credimus; 65.
 Illo qvietis tempore
 Qvo gallus exsultans canit,
 Christum redisse ex inferis.

Tunc mortis opressus vigor,
 Tunc lex subacta est Tartari, 70.
 Tunc vis diei fortior
 Noctem coegit cedere.

v. 54. Præco lucis proximæ. Sensus est, Petrus et qvilibet homo est peccator priusqvam præco lucis Christus eum illuminet.

v. 61. Lingvæ locutus lubrico. Ita Heimsius et ante eum Weitzius, qvibus accedunt Vaticani præstantiores.

v. 69. Vigor. Nonnulli rigor malebant, sed vigor habent Vaticani vetustiores.

Jam jam quiescunt improba,
 Jam culpa furva obdormiat,
 Jam noxa letalis suum
 Perpressa somnum marceat. 75.

Vigil vicissim spiritus,
 Qvodcumque restat temporis,
 Dum meta noctis clauditur.
 Stans et laborans excubet. 80.

Jesum ciamus vocibus,
 Fledtes, precantes, sobrii:
 Intenta supplicatio
 Dormire cor mundum vetat.

Sat convolutis artubus
 Sensum profunda oblivio
 Pressit, gravavit, obruit
 Vanis vagantem somniis: 85.

Sunt nempe falsa et frivola,
 Qvæ mundiali gloria,
 Ceu dormientes, egimus:
 Vigelimus: hic est veritas. 90.

Aurum voluptas, gaudium,
 Opes, honores, prospera,
 Qvæcumque nos inflant mala,
 Fit mane, nil sunt omnia. 95.

Tu Christe somnum disjice,
 Tu rumpe noctis vincula,
 Tu solve peccatum vetus,
 Novumque lumeningere. 100.

II.

Hymnus matutinus.

Depulsis noctis tenebris, ac die jam effulgente,
 quæ luce sua omnia detegit, Christum orat, ut lumine
 suo cordis nostri tenebras penetret ac dissipet, quo
 pura mente et pio cantu diem auspicantes, totam inof-
 fenso pede traducamus.

Jambic. Quartemar.

Nox, et tenebræ et nubila,
 Confusa mundi et turbida,
 Lux intrat, albescit polus,
 Christus venit discedite.

In Breviar. Ro-
 man. Feria
 quarta de
 tempore, ad
 Laudes.

Caligo terræ scinditur
 Percussa solis spiculo,
 Rebusque jam color redit
 Vultu nitentis sideris.

5.

Sic nostra mox obscuritas,
 Fraudisque pectus conscium,
 Ruptis resectum nubibus,
 Regnante pallescet deo.

10.

Tunc non licebit claudere,
 Quod quisque fuscum cogitat,
 Sed mane clarescent novo
 Secreta mentis prodita.

15.

Fur ante lucem squalido
 Impune peccat tempore;
 Sed lux dolis contraria
 Latere furtum non sinit.

20.

Versuta fraus et callida
Amat tenebris obtegi,
Aptamqve noctem turpibus
Adultor occultus fovet.

Sol ecce surgit igneus: 25
Piget, pudesct, ppenitet,
Nec teste quisquam lumine
Peccare constanter potest.

Qvis mane sumtis neqviter
Non erubescit poculis; 30
Qvum fit libido temperans
Castumqve nugator sapit?

Nunc nunc severum vivitur,
Nunc nemo tentat ludicrum,
Inepta nunc omnes sua 35
Vulta colorant serio.

Hæc hora cunctis utilis,
Qva quisque qvod studet, gerat,
Miles, togatus, navita,
Opifex, arator, institor. 40

Illum forensis gloria,
Hunc triste raptat classicum,
Mercator hinc ac rusticus
Avara suspirant lucra.

v. 33. Severum pro severe, nomen pro adverbio, et ita frequenter.

v. 40. Institor. Proprie non Mercator, ut tamen communiter interpretantur, sed tabernæ præpositus vel aliæ negotiationi, sic dictus, qvod instet negotio gerendo. Ulpian. libr. 3 de Instit. Act.; Horat. Carm. l. 3 Od. 6, v. 30.

At nos lucelli ac fœnoris 45.
 Fandique prorsus nescii,
 Ne arte fortes bellica,
 Te Christe solum novimus.

Te mente pura et simplici,
 Te voce, te cantu pio, 50.
 Rogare curvato genu
 Flendo et canendo discimus.

His nos lucratur quæstibus
 Hac arte tantum vivimus,
 Hæc inchoamus munera, 55.
 Quum sol resurgens emicat.

Intende nostris sensibus,
 Vitamque totam dispice:
 Sunt multa fucis inlita,
 Quæ luce purgentur tua. 60.

Durare nos tales jube,
 Qvales remotis sordibus,
 Nitere pridem jusseras
 Jordane tinctos flumine.

v. 51. Curvato genu. Hoc de iis precibus intelligendum est, quas diebus profestis fideles offerebant. non die Dominico, ubi preces suas quascumque fundebant erecti stantes. Vid. Joseph Bingham Orig. Eccles. Tom. V. p. 260, et Cotelerii Not. in libr. 2 Constit. Apostolic. c. 59; Conf. præterea ad h. l. Hymn. Clementis, quem Celebr. Münster germanica lingua metricè reddidit in libro, qui inscribitur. — Die Offenbarung Johannis, Copenhag. 1806.

v. 58. Dispice. Vat. unus, Isonius ac Weitzins despice.

v. 64. Jordane tiuctos flumine. Nempe baptismo, Jordanem noster memorat, quoniam magno semper in honore apud veteres Christianos flumen illud fuit, ac diu post Eusebii

Qvodcunque nox mundi dehinc 65

Infecit atris nubibus,

Tu rex eoi sideris,

Vultu sereno inlumina.

Tu sancte, qvi tetram picem

Candore tingvis lacteo, 70.

Ebenoque chrystallum facis,

Delicta terge livida.

Sub nocte Jacob cærula,

Luctator audax angeli,

Eo usque dum lux surget, 75.

Sudavit impar prælium.

et Hieronymi ætatem perdurasse consuetudinem in præcipuis anni solemnitatibus administrandi baptismum in Jordane testatur Hem. Valesius in Adnot. ad libr. 4 ejusdem Eusebii de vita Constantini M. Qvin sumta quandoque ex ipso Jordane aqua, et alio translata, pueros, magnatum præsertim, catholico ritu expiatis fuisse ostendit Franc. Victorius in Dissertat. De nummo aërio vet. Christianor. Romæ edit 1757.

v. 70. Tingvis pro tingis more vet. nt infra urget pro urget. Frequentissimus est hujus vocabuli usus apud scriptores ecclesiasticos pro baptizare: ita Lactantius inquit de Christo: tinctus ab Joanne Tertulianus: (contr. Marcion: 1, 29) non tingitur apud illum caro, nisi virgo, nisi vidua, nisi cælebs etc. et (C IV. 2) de Deo Marcionis, quod neminem tinxerit, nisi cælebem et spadonem, et quod baptismum morti vel repudio servet: item (in præscriptionibus hæreticorum Cap. 41 edit. Semleri Vol II p. 54) ipsæ mulieres hæreticæ quam procaces, quæ audeant docere, contendere, exorcismos agere, curationes repromittere, forsitan et tingere. Idem de Baptismo cap. 17 p. 203 Tom. IV. edit. Semler. Petulantia mulieris, quæ usurpavit docere utique, non etiam tingendi jus sibi pariet etc.

v. 76. Sudavit impar prælium. Ita Vatic. antiquiores alii atque etiam edit. nonnullæ, prælio, quod merito rejicit Heinsius.

Sed quum jubar claresceret,
 Lapsante claudus poplite,
 Femurque victus debile
 Culpæ vigorem perdidit.

80.

Nutabat ingven saucium,
 Quæ corporis pars vilior,
 Longeque sub cordis loco
 Diram fovet libidinem.

Hæ nos docent imagines
 Hominem tenebris obsitum,
 Si forte non cedat deo,
 Vires rebelles perdere.

85.

Erit tamen beatior,
 Intemperans membrum cui
 Luctando claudum et labidum
 Dies oborta invenerit.

90.

Tandem facessat cæcitas,
 Quæ nosmet in præceps diu
 Lapsos sinistris gressibus
 Errore traxit devio.

95.

Hæc lux serenum conferat,
 Purosque nos præstet sibi,
 Nihil loquamur subdolum,
 Volvamus obscurum nihil.

Sic tota decurrat dies,
 Ne lingua mendax, ne manus,

100.

- v. 85. Hæ nos docent imagines. Sensus Poetæ videtur esse, quod sicut Jacob, quoadusque duravit nox, restitit angelo, ac tunc solum ce sit, quum orta lux est, ita nos tamdiu concupiscentiis nostris, in Jacobi femore adumbratis adversus deum militamus, donec Christus, qui verus dies est, et vera lux, oriatur in cordibus nostris.

Oculive peccent lubrici,
Ne noxa corpus inquinet.

Speculator adstat desuper,

105

Qui nos diebus omnibus,

Actusque nostros prospicit

A luce prima in vesperum.

Hic testis, hic est arbiter,

Hic intuetur quidquid est,

110

Humana quod mens concipit,

Hunc nemo fallit iudicem.

III.

Hymnus ante cibum.

Hortatur se ipsum poeta ad cibi parsimoniam et
sobriam cœnam, quam describit.

Vers. Dactylic.

O crucifer bone, lucisator
Omnipotens, pie, verbigena,

- v. 2. Verbigena λογος ενδιαθετος et προφορικος. Nonnulli patres antiqui (Antenicœni scil. nam duplex λογος generatio cum Nicœna fide pugnat. Conf. Celebr. Münster Haandbog i den ældste christelige Kirkes Dogmehistorie, Tom. 1 p. 380 seqv.) duplicem Filii generationem ante conditas creaturas distinxerunt: prima est, quam Pater Verbum genuit intelligendo seipsum, quam generationem constat sempiternam esse, quam Deus fuerit semper Pater ac Rationalis; altera, quando Verbo virtutis suæ mundum condidit, tunc enim in creaturarum productione apparuit Dei Sapientia ac Potentia, quæ ab æterno erat in sinu Patris; hanc prostremam a Prudentio fuisse intellectam, at sine ullo veræ propriæ ac sempiternæ generationis præiudicio Arevali arbitratur.

Edite corpore virgineo,
Sed prius in genitore potens,
Astra, solum, mare, quam fierent.

5.

Huc nitido precor intuitu.
Flecte salutiferam faciem
Fronte serenus et inradia,
Nominis ut sub honore tui
Has epulas liceat capere.

10.

Te sine dulce nihil, Domine,
Nec juvat ore quid appetere,
Pocula ni prius, atque cibos,
Christe tuus favor imbuerit,
Omnia sanctificante fide.

15.

Fercula nostra deum sapiant,
Christus et influat in pateras:
Seria, ludicra, verba, jocos,
Denique quod sumus, aut agimus,
Trina superne regat pietas.

20.

Hic mihi nulla rosæ spolia,
Nullus aromate fragrat odor,
Sed liquor influit ambrosius,
Nectareamque fidem redolet
Fusus ab usque Patris gremio.

25.

Sperne, Camœna leves hederas,
Cingere tempora quis solita est,

r. 4. Potens. Vat. unus, manens.

r. 20. Trina superne regat pietas o: sancta Trinitas. Edd. superna habebant ante Heins., qui superne reposuit ex Mss., probavitque huiusmodi Adverbium, aliaque similia syllabam postremam corripere. Codd. Vatic. utramque exhibent lectionem.

Sertaque mystica dactylico
 Texere docta liga strophio,
 Laude dei redimita comas. 30

Qvod generosa potest anima,
 Lucis et ætheris indigena,
 Solvere dignius obsequium,
 Qvam data munera si recinat
 Artificem modulata suum? 35

Ipse homini quia cuncta dedit,
 Qvæ capimus dominante manu,
 Qvæ polus, aut humus, aut pelagus,
 Aëre, gurgite, rure, crearit,
 Hæc mihi subdidit, et sibi me. 40

Callidus inlaqueat volucres
 Aut pedicis dolus aut maculis,
 Inlita glutine corticeo
 Vimina plumig-ram seriem
 Impediunt et abire vetant. 45

Ecce per æqvora fluctivagos
 Texta greges sinuosa trahunt,
 Piscis item sequitur calamum.
 Raptus acumine vulnifico,
 Credula saucius ora cibo. 50

Fundit opes ager ingenuas,,
 Dives aristiferæ segetis,
 Hic ubi vitea pampineo
 Brachia palmite luxuriant;
 Pacis alumna ubi bacca viret. 55

v. 29. Dactylico liga strophio etc. ordo est. tu, o Musa, docta texere, sarta mystica ex sacris literis contexta, redimita laude dei &c. ornata et instructa rebus divinis, cinge caput dactylico carmine, tanquam corona.

Hæc opulentia Christicolis
 Servit, et omnia suppeditat,
 Absit enim procul illa fames,
 Cædibus ut pecudum libeat
 Sangvineas lacerare dapes,

60.

Sint fera gentibus indomitis
 Prandia, de nece quadrupedum,
 Nos oleris coma, nos siliqua
 Foeta legumine multimodo
 Paverit innocuis epulis.

65.

Spumea mulctra gerunt niveos
 Ubere de gemino latices
 Perque coagula densa liquor
 In solidum coit, et fragili
 Lac tenerum premitur calath.

70.

Mella recens mihi Cecropia
 Nectare sudat olente favus,
 Hæc opifex apis aërio
 Rore liquat, tenuique thymo,
 Nexilis inscia connubii.

75.

Hinc quoque pomiferi nemoris
 Munera mitia proveniunt:
 Arbor onus tremefacta suum
 Deciduo gravis imbre pluit,
 Puniceosque jacet cumulos.

80.

Quæ veterum tuba, quæve lyra
 Flatibus inclita, vel fidibus,
 Divitis omnipotentis opus,

71. Mel Hymettium. Hymetti montis prope Athenas per omnem antiquitatem et nostro adhuc tempore celeberrimum. Horat. 2, 6, 14.

Quæque fruenda patent homini,
Laudibus æquiparare queat? 85

Te pater, optime mane novo,
Solis et orbita, quum media est,
Te quoque luce sub occidua
Sumere quum monet hora cibum
Nostra Deus canet harmonia. 90

Quod calet halitus interior,
Corde quod abdita vena tremit,
Pulsat et incita quod resonam
Lingva sub ore latens caveam,
Laus superi Patris esto mihi. 95

Nos igitur tua, sancte, manus
Cæspite composuit madido,
Effigiem medidata suam,
Utque foret rata materies
Flavit et indidit ore animam: 100

Tunc per amoena vireta jubet
Frondicomis habitare locis,
Ver ubi perpetuum redolet.
Prataque multicolora latex
Quadrifluo celer amne rigat. 105

Hæc tibi nunc famulentur, ait,
Usibus omnia dedo tuis,
Sed tamen aspera mortifero
Stipite carpere poma, veto,
Qui medio viret in nemore. 110

Hic draco perfidus indocile
Virginis illicit ingenium
Ut socium malesuada virum
Mandere cogeret ex vetitis
Ipsa pari peritura modo. 115

Corpora mutua (nosse nefas)

Post epulas inoperta vident,

Lubricus error et erubuit,

Tegmina suta parant foliis

Dedecus ut pudor occuleret.

120.

Conscia culpa deum pavitans

Sede pia procul exigitur,

Innuba foemina quæ fuerat,

Conjugis excipit imperium,

Foedera tristia jussa pati.

125

Auctor et ipse doli coluber

Plectitur improbus, ut mulier,

Colla trilingvia calce terat;

Sic coluber muliebri solum

Suspicit atque virum mulier,

130.

His ducibus vitiosa dehinc

Posteritas ruit in facinus;

Dumque rudes imitatur avos,

Fasque nefasque simul glomerans,

Impia crimina morte luit.

135.

Ecce venit nova progenies,

Æthere proditus alter homo

Non luteus velut ille prius,

Sed deus ipse gerens hominem,

Corporeisque carens vitiis.

140.

1. 139. Gerens hominem. Conf. Symbolum Chalcedonense et Leonis M. Epistol. ad Flavianum de incarnatione verbi S. Epistol. XXVIII edit. Ballerin, cur. Henke, Helmstadt 1781, 4to; Rösler X, 176 et J. J. Griesbach. Dissertatio historico-theologica locos theologicos collectos ex Leone Magno pontifice Romano sistens. Sectio III. complex doctrinam de Christo §§. 14-20 p. 31-93. Halæ Magdeburgicæ 1763.

Fit caro vivida sermo petrīs,
 Numine quam rutilante gravis
 Non thalamo, neque jure thori,
 Nec genialibus illecebris
 Intemerata puella parit. 145.

Hoc odium vetus illud erat,
 Hoc erat aspidis atque hominis
 Digladiabile discidium
 Qvod modo cornua foemineis
 Vipera proteritur pedibus. 150.

Edere namque deum merita
 Omnia virgo venena domat:
 Tractibus, angvis inexplicitis
 Virus inerme piger revomit,
 Gramine concolor in viridi. 155.

Quæ feritas modo non trepidat
 Territa de grege candidillo?
 Impavidus lupus inter oves
 Tristis obambulat, et rabidum
 Sangvinis immemor, os cohibet. 160.

Agnus enim vice mirifica
 Ecce leonibus imperitat,
 Exagitansque truces aquilas
 Per vaga nubila, perque Notos,
 Sidere lapsa columba fugat. 165.

Tu mihi, Christe, columba potens,
 Sangvine pasta cui cedit avis,

v. 167. Sangvine pasta avis. Aquila, mystice Diabolus. Cui monosyll. contra legem corripitur. Not. Comparatio diaboli cum aquila est nostri propria; appellatur a Sedulio tentator, præsumptor; ab Alcimo subversor, transgressor, incensor, lethi compertor; a Victore

Tu niveus per ovile tuum,
 Agnus hiare lupum prohibes,
 Sub juga tigridis ora premens 170.

Da locuples deus, hoc famulis
 Rite precantibus, ut tenui
 Membra cibo recreata levent,
 Neu piger immodicis dapibus
 Viscera tanta gravet stomachus. 175.

Hauftus amarus abesto procul,
 Ne libeat tetigisse manu
 Exitiale quid aut vetitum,
 Gustus et ipse modum teneat,
 Gospitet ut jecur inculume. 180.

auctor scelerum, et inventor lethi; a Prospero sator mortis, a Fortunato proditor; a Gregorio M. sæpius cum Leviathano comparatur; et cum ab Irenæi (Adversus Gnosticos lib. V cap 1 et 20 edit. Massuet p. 292 et 319) et magis adhuc ab Origenis (in Mathæum, edit Ruzi, Vol. III. pag. 726, cf Homil. VI. in Exod. Vol. II. pag. 150) tempore Mors Christi in cruce haud raro *λυτρον* diceretur diabolo pro redimendis hominibus oblatum, licet irrita spe, qua sibi blandiebatur de sanctissima Christi anima, quam mere humanam putaret, in inferis retinenda, facile eo adduci potuerunt, ut hanc Jesu Christi cruentam mortem veluti escam, qua deceptus esset dæmon, piæ meditationi proponerent: rem apertis verris declaravit Gregorius Magnus Romanus Episcopus de Leviathano ita disserens (Homil 25 in Iobum ad cap. 40) in hamo escam ostendi, aculeum occultari, atque in hamo incarnationis Jesu Christi captum esse Diabolum, quia dum in illo appetivit escam corporis, transfixus est aculeo divinitatis, cumque mortales, quos tenebat, jure perdidisse, quia eum, in quo jus non haberet, morte appetere immortalem præsumsit. Vid. Celebr. Münsteri Epist de duobus monumentis veteris ecclesiæ ad I. A. Lindblom. Havniæ 1810.

Sit satis angvibus horificis
 Liba qvod impia corporibus
 Ah! miseram peperere necem;
 Sufficiat semel ob facinus
 Plasma dei potuisse mori.

185

Oris opus, vigor igneolus
 Non moritur, qvia flante deo
 Compositus, superoque fluens
 De solio patris artificis

sl

II

Vim liquidæ rationis habet.

190

Viscera mortua qvin etiam
 Post obitum reparare datur,
 Eqve suis iterum tumultis
 Prisca renascitur effigies,
 Pulvereo coeunte situ.

195

Credo eqvidem, neqve vana fides,
 Corpora vivere more animæ,
 Nam modo corporeum memini
 De Phlegethonte gradu facili
 Ad superos remeasse deum.

200

Spes eadem mea membra manet,
 Qvæ redolentia funereo
 Justa qviscere sarcophago,
 Dux parili redivivus humo
 Ignea Christus ad astra vocat.

205

v. 185. Plasma, πλασμα, fictio, seu (ut nostri poetæ) factura. Accipitur etiam pro callida et fallaci impostura; Prosper contra Ingratos.

Innumeras dubio cepis et plasmate mentes. Vid. Fabric.

v. 197. Corpora vivere, Victura esse. Enallage.

v. 199. Facilis descensus Averni. Virgil. Æn. 6, 126.

v. 203. Sarcophagus, σαρκοφάγος pro sepulchro, in quo corpus putrescit, et consumitur, Fabric.

IV.

Hymnus post cibum.

Grates deo reddit pro cibo sumpto, cujus in homi-
nis bonitatem commendat historia Danielis, quem in
ecu leonum jussu dei Habacuc pavit, eamque ad
ores traducit.

Vers. Hendecasyllab. Phalæc.

Pastis visceribus ciboque sumpto,
Qvem lex corporis imbecilla poscit,
Laudem lingua deo patri rependat:

Patri, qui Cherubin sedile sacrum,
Nec non et Seraphin suum, supremo 5.
Subnixus solio, tenet regitque

Hic est, quem Zebaoth deum vocamus,
Expers principii, carensque fine,
Rerum conditor, et repertor orbis.

Fons vitæ liquida fluens ab arce, 10.
Infusor fidei, sator pudoris,
Mortis perdomitor, salutis auctor.

Omnes quod sumus ac vigemus, inde est;
Regnat spiritus ille sempiternus
A Christo simul et Parente missus. 15.

Intrat pectora candidus pudica
Quæ templi vice consecrata rident,
Postquam combiberint deum medullis,

Sed si quid vitii dolive nasci
Inter viscera jam dicata sensit, 20.
Ceu spurcum refugit celer sacellum.

15. Omnes. Weitz. omne, cui favet, Vat. unus? ceteri cum
Héins, omnes.

Tetrum flagrat enim vapore crasse
 Horror conscius æstuante culpa,
 Offensumque bonum niger repellit.

Nec solus pudor. innocensve votum 25
 Templum constituunt perenne Christo
 In cordis medii sinu ac recessu,

Sed, ne crapula ferveat, cavendum est,
 Quæ sedem fidei cibus refertam
 Usque ad congeriem coarctet intus. 30.

Parcis victibus expedita corda
 Infusum melius deum receptant,
 Hic pastus animæ est, saporque verus.

Sed nos tu gemino fovens paratu,
 Artus atque animas utroque pastu 35
 Confirmas, Pater, ac vigere complex.

Sic olim tua præluens potestas
 Inter rancisonos situm leones
 Inlapsis dapibus virum refovit.

Illum fusile numen execrantem 40
 Et curvare caput sub expolita
 Æris materia nefas putantem,

Plebs diræ Babylonis ac tyrannus
 Morti subdiderant, feris dicarant
 Sævis protinus haustibus vorandum. 45.

O semper pietas fidesque tuta!
 Lambent indomiti virum leones
 Intactumque dei tremunt alumnorum.

v. 22. Flagrat. Alii Codd. non minus antiqui: fragrat, quod indicio est utrumque Veteres usurpasse.

v. 37. Præluens. Clara, polleus.

Adstant comminus et júbæ reponunt
 Mansvescit rabies, fameqve blanda 50.

Prædam rictibus ambit incruentis;

Sed qvum tenderet ad superna palmas,
 Expertumqve sibi deum rogaret,
 Clausus jugiter indigensqve victu,
 Jussus nuntius advolare terris 55.

Qvi pastum famulo daret probato,

Raptim desilit obseqvente mundo;

Cernit forte procul dapes inemptas,
 Qvas messoribus Habacuc propheta
 Agresti bonus exhibebat arte. 60.

Hujus cæsarie manu prehensa
 Plenis, sicut erat, gravem canistria
 Suspensum rapit et vehit per auras.

Tum raptus simul ipse prandiumqve
 Sensim labitur in lucum leonum, 65.
 Et qvas tunc epulas gerebat, offert.

Sumas lætus, ait libensqve carpas,
 Qvæ summus Pater, angelusqve Christi
 Mittunt liba tibi sub hoc periclo.

His sumtis Danielus excitavit 70.
 In cælum faciem, ciboqve fortis
 Amen reddidit, alleluja dixit.

Sic nos muneribus tuis refecti,
 Largitor deus omnium bonorum,
 Grates reddimus, et sacramus hymnos. 75.

Tu nos tristifico velut tyranno,
 Mundi scilicet impotentis actu

v. 57. Obseqvente mundo. Liberam præbens viam.

v. 59. Habacuc. Heins. prætulit Abacum, quod in plerisque
 Græcæ versionis Edd. vox desinat in *M. Αὐθανοῦμ*

Conclusos, regis et feram repellis;

Quæ circumfremit, ac vorare tentat,

Insanos acuens furore dentes;

Cur te summe deus preceamur unum:

Vexamur, premimur, malis rotamur;

Oderunt, lacerant, trahunt, lacessunt;

Juncta est supplicis fides iniquis

Nec deficit tamen anxiiis medela,

Nam langvente truci leonis ira,

Inlapsæ superingeruntur escæ.

Quas si quis sitienter hauriendo,

Non gustu tenui, sed ore pleno,

Internis velit implicare venia.

Hic sancto satiatus ex propheta,

Iustorum capiet cibos virorum,

Qui fructum domino metunt perenni.

Nil est dulcius ac magis saporum,

Nil quod plus hominem juvare possit,

Quam vatis pia præcipientis orsa.

His sumtis licet insolens potestas

Pravum judicet, inrogetque mortem:

Impasti licet irruant leones.

Nos semper dominum patrem fatentes

In te Christe Deus, loquemur unum,

Constanterque tuam crucem feremus.

V.

Hymnus ad incensum lucernæ*).

In hoc hymno, qui in principio noctis, quæmina accenduntur, cantari debet, ignis ac lumina v. 96. Pia orsa. Verba divina.

Ad incensum lucernæ. Ita Vaticani probatiores. Et Ad incensum Cerei Paschalis; priorem aut

laudes altius repetiturus in latissimum narrationis campum suo more abripitur poeta, quæ pleraque omnia, quæ Judæis Ægypto eductis portentose accidebant, breviter complexus ac mystica, ut solet, expositione concludens, instituta luminum êncomia prosequitur usque ad fidem.

Vers. Choriambic. tetrametr. acatalect.

Inventor rutili dux bone luminis,
Qvi certis vicibus tempora dividis,
Merso sole chaos ingruit horridum,
Lucem redde tuis, Christe fidelibus.

Quamvis innumero sidere regiam, 5.
Lunarique polum lampade pinxeris,
Incussu silicis lumina nos tamen
Monstras saxigeno semine quærere.

Ne nesciret homo spem sibi luminis
In Christi solido corpore conditam, 10.

titulum præferunt Weitz. Heins. Cellar etc. et merito, nam præter Mss. Codd. auctoritatem id certe svadet hujus libri Cathemerinon ordo, ut quintus hic hymnus intelligendus sit de vesperis, in quibus solemni more in dies accendi lucernas Prudentij ævo mos erat.

v. 9. Ante hunc versum in Edit. Fabricii et Sichardi inserti reperiuntur alii quatuor versus, quos, cum probatoris fidei Codd. non habeant, exulare jussit Heinsius. Hi autem tales erant:

Hoc signas opere conditor inclyte
Lumen veridicum mentibus omnium
In Christo domino quærere jugiter
Qvem petram loquitur doctor egregius.

Sane, si hoc Tetrastichon conferas cum vulgato, quod a. v. 9 videbis ad sensum quod attinet, prorsus convenire. Fieri itaque potuit, ut Prudentius in prima sui Operis evulgatione ita scripserit, ac postea emendaverit, ut habent membranæ præstantiores.

Qui dici stabilem se voluit petram,
Nostris igniculis unde genus venit.

Pingvis qvos dei rore madentibus
Lychnis aut facibus pascimus aridis:
Qvin et fila favis scirpéa floreis
Presso melle prius conlita fingimus.

15.

Vivax flamma viget, ceu cava testula
Succum linteolo suggerit ebrio,
Seu pinus piceam fert alimoniam
Seu ceram teretem stuppa calens bibit.

20.

Nectar de liquido vertice fervidum
Guttatim lacrimis stillat olentibus,
Ambustum qvoniam vis facit ignea
Imbrem de madido flere cacumine.

Splendent ergo tuis muneribus, Pater, 25.
Flammis mobilibus scilicet atria.

Absentemqve diem lux agit æmula,
Qvam nox cum lacero victa fugit paplo.

Sed quis non rapidi luminis arduam
Manantemqve deo cernat originem? 30.

Moses nempe deum spinifera in rubo
Videt conspicuo lumine flammeum.

Felix qui meruit sentibus in sacris
Cælestis solii visere principem,
Jussus nexa pedum vincula solvere, 35.
Ne sanctum involucris pollueret locum.

Hunc ignem populus sanguinis incliti.
Majorum meritis tutus et impotens,

18. Ebrio, madefacto deo.

36. Involucris. Calceamentis. Penultima contra legem correpta.

Svetus sub dominis vivere barbaris,
Jam liber sequitur longa per avia. 40.

Qva gressum tulerant, castraque cærulæ
Noctis per medium consita moverant,
Plebem pervigilem fulgure prævio
Ducebat radius sole micantior.

Sed rex Niliaci litoris, invido 45.
Fervens felle, jubet prævalidam manum
In bellum rapidis ire cohortibus,
Ferratasque acies clangere classicum.

Sumunt arma viri, seqve minacibus
Accingunt gladiis: triste canit tuba, 50.
Hic fidit jaculis, ille volantia
Præfigit calamis spicula Gnosii.

Densatur cuneis turba pedestribus,
Currus pars, et eqvos et volucres rotas
Conscendunt celeres, signaque bellica 55.
Prætendunt tumidis clara draconibus.

52. Calāmis Gnosii. Gnossos et Gnoses Straboni urbs
Cretæ, in numis et marmoribus ΚΝΩΣΙΟΙ Conf.
Chishullum, Chandlerum et Echel. Doctr. Numor Ve-
terum II. p. 308. Gnosius autem calamus sagittis ap-
tissimus, et cretenses nociles erant sagittarii. Horat.
Od. 1 libr. 1.

Nequiqvam calami spicula Gnosii vitabis.

56: Clara tumidis draconibus. Forte Ægyptiorum vexilla
ut Persarum et Romanorum saltem posterioribus tem-
poribus dracones pictos et intextos habebant; vel po-
tius loquitur Prudentius Romano more, qvo dracones
ipsa etiam vexilla dicebantur. Vegetius lib. 11. c. 15.
Dracones per singulas cohortes a draconariis feruntur
ad prælium. Ejusmodi draconum vexilla tum primum
coepisse deferri apud Romanos tradunt postquam Tra-
janus Dacos devicit, qvi signis ejusmodi utebantur in
bellis.

Hic jam servitii nescia pristini

Gens Pelusiatis usta vaporibus

Tandem pupurei gurgitis hospita

Rubris litoribus fessa resederat.

60

Hostis dirus adest cum duce perfido,

Infert et validis praelia viribus,

Moses porro suos in mare præcipit

Constans intrepidus tendere gressibus

Præbent rupta locum stagna viantibus

65

Riparum in faciem pervia, sistitur

Circumstans vitreis unda liquoribus,

Dum plebs sub bifido permeat æqvore:

Pubes quin etiam decolor asperis

Inritata odiis, rege sub impio,

70

Hebræum sitiens fundere sanguinem,

Audet se pelago credere concavo;

Ibant præcipiti turbine percita

Fluctus per medios agmina regia

Sed confussa dehinc unda revolvitur

75

In sermet revolans gurgite confluo.

Currus tunc, et æquos telaque naufragia,

Ipsos et proceres, et vaga corpora

Nigrorum videas nare satellitum,

Arcis justitium triste tyrannicæ.

80

Quæ tandem poterit lingua retexere

Laudes, Christe, tuas? qui domitam Pharon

v. 58. Pelusiatis. *Ægyptiis*. Nam Pelusium *Ægypti* urbs est Orientali, Nili ostio apposita.

v. 76. Confluo. Vat. duo, refluo.

v. 80. Justitium. Unius Vat. Cod. Glossatæ. justitium proprio est juris statio, ponitur autem pro luctu.

Plagis multimodis cedere præsul
Cogis justitiæ, vindice dextera.

Qvi pentum rapidis æstibus invium 85.
Persultare vetas, ut refluo in salo
Securus pateat, te duce, transitus,
Et mox unda rapax, ut voret impios.

Cui jejuna eremi saxa loqvacibus
Exundant scatebris, et latices novos 90.
Fundit scissa silex, quæ sitientibus
Dat potum populis axe sub igneo.

Instar fellis aqua tristifico in lacu
Fit ligni venia mel velut Atticum;
Lignum est, quo sapiunt, aspera dulcius, 95.
Nam præfixa cruci spes hominum viget.

Implet castra cibus tunc quoque ningvidus
Inlabens gelida grandine densius,
His mensas epulis, hac dapæ construunt,
Qvam dat sidereo Christus ab æthere. 100.

Nec non imbrifero ventus anhelitu
Crassa nube leves invehit alites,
Quæ diffolata in humum quum semel agmina
Fluxerunt reduci non revolant fuga.

Hæc olim patribus præmia contulit 105.
Insignis pietas Numinis unici,
Cujus subsidio nos quoque vescimur,
Pascentes dapibus pectora mysticis.

Fessos ille vocat per freta sæculi
Discissis populum turbinibus regens, 110.

85. Præsuli justitiæ. Moysi.

89. Eremi. Syllaba media contra legem correpta.

Jactatasque animas mille laboribus
Justorum in patriam scandere præcipit.

Illic purpureis tecta rosariis
Omnis fragrat humus, Calthaque pingvia
Et molles violas, et tennes crocos 115
Fundit fonticulis uda fugacibus.

Illic et gracili balsama surculo
Desudata flunt, raraque cinnama
Spirant et folium, fonte quod abdito
Præambens fluvius portat in exitum. 120.

Felices animæ prata per herbida
Concentu parili suave sonantibus
Hymnorum modulis dulce canunt melos,
Calcant et pedibus lilia candidis.

Sunt et spiritibus sæpe nocentibus 125
Poenarum celebres sub styge feriæ
Illa nocte, sacer quæ rediit deus
Stagnis ad superos ex Acheronticis :

v. 114. Caltha. Virg. Bucol. 2, 50. Mollia luteola pingit
vaccinia caltha. Caltha est huphthalmos, cujus lu-
teus est flos, crocei coloris, Dan. Morgenfroe, Kabe-
leie, germanic. Ringelblume. Neminem veterum hoc
vocabulum neutro genere declinasse observavit Cha-
millardus.

v. 116. Uda. Refer ad humum. Edd. Gisellini, Veitzii etc.
habent: unda, quam lectionem non prorsus improbandam
quoque exhibent Vatican. Codd. bene multi.

v. 123. Sunt et spiritibus etc. Hæc Giselinus poeticæ licen-
tiæ tribuit; Joseph. Binghamus serio atque ex animo
poetam dixisse contendit. Fuerunt sane Augustini
ætate Christiani, qui in hac erant opinione, ut ma-
nente sine fine morte perpetua damnatorum, aliqua
relevatio vel intermissio fieret dolorum atque poenarum.

Non sicut tenebras de face fulgida

Surgens oceano Lucifer imbuit, 130.

Sed terris Domini de cruce tristibus

Major sole novum restituens diem

Marcent suppliciis Tartara mitibus

Exsultatque sui carceris otio

Umbrarum populus liber ab ignibus, 135.

Nec fervent solito flumina sulphure.

Nos festis trahimus per pia gaudia

Noctem conciliis, vota que prospera

Certatim vigili congerimus prece,

Exstructoque agimus liba sacrario. 140.

Pendent mobilibus lumina funibus,

Quæ suffixia micant per laquearia,

Et de languidulis fota natatibus

Lucem perspicuo flamma jacet vitro

Credas stelligeram desuper aream 145.

Ornatam geminis stare trionibus,

Et qua Bosporeum temo regit jugum

Passim purpureos spargier Hesperos.

O res digna, pater, quam tibi roscidæ

Noctis principio, grex tuus offerat, 150.

Lucem qua tribuis nil pretiosius

Lucem, qua reliqua præmia cernimus.

r. 138. Noctem. Paschæ resurrectionis Christi.

r. 140. Exstructoque agimus liba sacrario. Sacrificium offerimus Eucharisticum.

r. 146. Geminis Trionibus. Ursa major et minor, quarum stellæ, quum plastrum et boves junctos referant, ideo subdit: temo regit jugum Bosporeum, sic gr. sine aspiratione, a Bosporo Cimmerico.

r. 151. Lucem pro lux. Ellenismus.

Tu lux vera oculis, lux quoque sensibus,
 Intus tu speculum, tu speculum foris
 Lumen, quod famulans offero suscipe, 155
 Tinctum pacifici chrismatis ungvine.

Per Christum genitum, summe Pater, tuum,
 In quo visibilis stat tibi gloria,
 Qui noster dominus, qui tuus unicus
 Spirat de patrio corde Paraclitum, 160

Per quem splendor, honos, laus, sapientia,
 Majestas bonitas, et pietas tua
 Regnum continuet numine triplici,
 Texens perpetuis sæcula sæculis.

VI.

Hymnus ante somnum.

Quum in somno, qui hominibus a Deo datus est ad
 reparandas corporis et animi vires, multa contingant
 partim honesta, partim turpia, petit in hoc hymno pius
 poeta, ut placidam quietem Deus sibi largiatur, terrores
 somniorum depellat, ac somnia salutaria immittat,
 qualia viris sanctis facta sunt.

Vers. Iambic. dimetr. catalect.

Ades Pater supreme,
 Quem nemo vidit unquam,
 Patrisque sermo Christe,
 Et Spiritus benigne.

v. 156. Pacifici chrismatis ungvine. Oleo ex olivis expresso,
 quæ insigne pacis sunt.

v. 163. Numine. Vat. duo. nomine.

O Trinitatis hujus	5.
Vis una, lumen unum,	
Deus ex Deo perennis.	
Deus ex utroque missus.	
Fluxit labor diei,	
Redit et quietis hora,]	10.
Blandus sopor vicissim	
Fessos relaxat artus.	
Mens æstuans procellis,	
Curisque sauciata	
Totis bibit medullis	15.
Obliviale poclum.	
Serpit per omne corpus	
Lethæa vis, nec ullum	
Miseris doloris ægri	
Patitur manere sensum.	20.
Lex hæc data est caducis	
Deo iubente membris,	
Ut temperet laborem	
Medicabilis voluptas.	
Sed dum pererrat omnes	25.
Quies amica venas	
Pectusque feriatum	
Placat rigante somno,	
Liber vagat per auras	
Rapido vigore sensus,	30.
Variasque per figuras,	
Quæ sunt operta cernit.	

. 22. Deo iubente. Vat. unus. Deo donante.

. 29. Vagat. Sic præstantiores Codd. Vaticani et Heinsiani.
Al. vagas, adjectiv.

Quia mens soluta curis,
 Cui est origo cælum
 Purusque fons ab æthra
 Iners jacere nescit.

35.

Imitata multiformes
 Facies sibi ipsa fingit,
 Per quas repente currens
 Tenui fruatur actu.

40.

Sed sensa somniantum
 Dispar fatigat horror,
 Nunc splendor intererrat,
 Qui dat futura nosse;

Plerumque dissipatis
 Mendax imago vetis
 Animos pavore mæstos
 Ambage fallit atra.

45.

Quem rara culpa morum
 Non polluit frequenter,
 Hunc lex serena vibrans
 Res edocet latentes.

50.

At qui coinquinatum
 Vitiis cor impiavit
 Lusus pavore multo
 Species vidit tremendas.

55.

Hoc patriarcha noster
 Sub carceris catena
 Geminis simul ministris
 Interpres adprobavit,

60.

Quorum regressus unus
 Dat proculum tyranno
 Ast alterum rapaces
 Fixum vorant volucres.

Ipsum deinde regem 65.
 Perplexa somniantem,
 Monuit famem futuram
 Clausis cavere acervis.

Mox præsul ac tetrarches.
 Regnum per omne jussus 70.
 Sociam tenere virgam
 Dominae resedit aulæ.

O quam profunda justis
 Arcana per soporem
 Aperit tuenda Christus? 75.
 Quam clara? quam tacenda?

Evangelista summi
 Fidissimus magistri,
 Signata quæ latebant
 Nebulis vidit remotis. 80.

Ipsum Tonantis agnum
 De cæde purpurantem,
 Qvi conscium futuri
 Librum resignat unus.

Hujus manum potentem 85.
 Gladius perarmat anceps,
 Et fulgurans utrimque
 Duplicem minatur ictum.

Qvæsitor ille solus
 Animæque corporisque 90.

v. 77. Evangelista. Iohannes. Qvod autem ea viderit in somnis, licentia poetis usitata accipias dictum, uti et infra gladius utraqve parte acutus in manu ponitur, in Apocal, vero in ore ejus, qvi loqvebatur.

Nil hoc profecto purius mysterio,
 Quo fibra cordis expiatur lividi,
 Intemperata quo domantur viscera,
 Arvina putrem ne resudans crapulam
 Obstrangulatæ mentis ingenium premat. 10.

Hinc subjugatur luxus et turpis gula,
 Vini atque somni degener socordia,
 Libido sordens, inyerecundus lepos,
 Variæque pestes langvidorum sensuum
 Parcam subactæ disciplinam sentiunt. 15.

Nam si licenter diffluens potu et cibo
 Jejuna rite membra non coerceas,
 Sequitur, frequenti marcida oblectamine
 Scintilla mentis ut tepescat nobilis,
 Animusque pigris stertat in præcordiis. 20.

Fruentur ergo corporum cupidinae,
 Detersa et intus emicet prudentia,
 Sic excitato perspicax acumine,
 Liberque flatu laxiore spiritus
 Rerum parentem rectius præcabitur. 25.

Helia tali crevit observantia,
 Vetus sacerdos, raris hospes aridi,
 Fragore ab omni quem remotum et segregem
 Sprævisse tradunt criminum frequentiam,
 Casto fruentem Syrtium silentio. 30.

Sed mox in auras igneis jugalibus,
 Curruque raptus evolavit præpete,
 Ne de propinquo sordium contagio
 Dirus quietum mundus adflaret virum,
 Olim probatis inclitum jejuniis. 35.

v. 30. Syrtium. Desertorum locorum.

Non ante cæli principem septemplex
 Moses tremendi fidus interpret throni
 Potuif videre quam decem recursibus
 Qvater volutis sol peragrans sidera
 Omni carentem cerneret substantia.

40.

Victus precanti solus in lacrimis fuit,
 Nam flendo pernox inrigatum pulverem
 Humi madentis ore pressit cernuo
 Donec loquentis voce præstrictus dei
 Expavit ignem non ferendum visibus.

45.

Joannis hujus artis haud minus potens
 Dei perennis præcucurrit filium
 Curvos viarum qui retorsit tramites,
 Et flexuosa corrigens dispendia,
 Dedit seqvendam calle recto lineam.

50.

Hanc obsequelam præparabat nuntius,
 Mox adfuturo construens iter deo,
 Clivosa planis, confragosa ut lenibus
 Converterentur, neve quidquam devium
 Inlapsa terris inveniret veritas.

55.

Non usitatis ortus hic natalibus,
 Oblita lactis jam vieto in pectore
 Matris tetendit serus infans ubera,
 Nec ante partu de senili effusus est,
 Qvam prædicaret virginem plenam deo.

60.

Post in patentes ille solitudines,
 Amictus hirtis bestiarum pellibus,
 Setisve tectus, hispida et lanugine,
 Secessit, horrens inquinari et pollui
 Contaminatis oppidorum moribus.

65.

40. Substantia. Cibo, alimento.

44. Præstrictus. Ita Mss. Codd.; excusi: perstrictus.

Illic dicata parcus abstinentia
 Potum cibumque vir severæ industriæ
 In usque serum respuebat vespereum
 Rarum locustis et favorum agrestium
 Liqore pastum corpori sveltus dare.

Hortator ille primus, et doctor novæ
 Fuit salutis, nam sacrato in flumine
 Veterum piatas lavit errorum notas;
 Sed tincta postquam membra defoecaverat,
 Cælo refulgens inffuebat spiritus

Hoc ex lavacro labe dempta criminum,
 Ibant renati non secus quam si rudis
 Auri recocta vena pulchrum splendeat,
 Micet metalli sive lux argentei,
 Sudum polito prænitens purgamine.

Referre prisci stemma nunc jejunii
 Libet, fideli proditum volumine,
 Ut diruendæ civitatis incolis
 Fulmen benigni mansvefactum Patris
 Pie repressis ignibus pepercit.

Gens insolenti præpotens jactantia
 Pollebat olim, quam fluentem nequiter
 Corrupta vulgo solverat lascivia,
 Et inde bruto contumax fastidio
 Cultam superni negligebat numinis.

v. 69. Rarum pastum. Ita Heins. ex Cod. Puteano; i
 parum, quod et Aldus expressit, Gisselinus. V
 aliiqve: parvum est omnium pene Vatican.

v. 81. Stemma. *Στεμμα* proprie est corona, hic autē
 videtur pro illustri exemplo.

v. 82. Fideli volumine. Libro Jonæ.

84. Hic versus syllaba caret.

Offensa tandem jugis indulgentiæ
 Censura justis excitatur motibus,
 Dextram perarmat rompheali incendio,
 Nimbos crepantes et fragosos turbines
 Vibrans, tonantem nube flammarum quatit. 95.

Sed poenitendi dum datur diecula,
 Si forte vellent improbam libidinem
 Veteresque nugas condomare ac frangere,
 Suspendit ictum terror exorabilis,
 Paullumque dicta substitit sententia. 100.

Jonam prophetam mitis ultor excitat,
 Poenæ imminentis iret ut prænuntius,
 Sed nosset ille quum minacem judicem
 Servare malle, quam ferire ac plectere,
 Tectam latenter vertit in Tharsos fugam. 105.

Celsam paratis pontibus scandit ratem,
 Udo revincta fune puppis solvitur,
 Itur per altum, fit procellosum mare,
 Tum causa tanti quæritur periculi,
 Sors in fugacem missa vatem decidit. 110.

Jussus perire solus e cunctis reus,
 Cujus voluta crimen urna expresserat,
 Præceps rotatur et profundo immergitur
 Exceptus inde belluinis faucibus
 Alvi capacis vivus hauritur specu 115.

Transmissa raptim præda cassos dentium
 Eludit ictus, incruentam trans volans
 Impune linguam, ne retentam mordicus

v. 96. Diecula. Secundum LXX, hi enim perbreve temporis spatium conversioni Ninivitarum assignant, tres videlicet dies tantum. Hebræus autem et Vulgat: quadra-
 inta.

Offam molares dissecarent uidi;
Os omne transit, et palatum præterit. 120.

Ternis dierum ac noctium processibus
Mansit ferino devoratus gutture
Errabat illic per latebras viscerum
Ventris Meandros circuibat tortiles
Anhelus, extis intus æstuantibus. 125.

Intactus exin tertia noctis vice
Monstri vomentis pellitur singultibus,
Qva murmuranti fine fluctus frangitur,
Salsosque candens spuma tundit pumices,
Ructatus exit, seqve servatum stupet. 130.

In Ninivitas se coactus percito
'Gressu reflectit, qvos ut increpaverat,
Pudenda censor imputans opprobria,
Impendet, inquit, ira summi vindicis,
Urbemque flamma mox cremabit, credite. 135.

Apicem deinde ardui montis petit,
Visurus inde conglobatum turbidæ
Fumum ruinæ, cladis et diræ struem
Tectus flagellis multimodi germinis,
Nato et repente perfruens umbraculo. 140.

Sed mæsta postquam civitas vulnus novi
Hausit doloris, heu supremum palpitat,
Cursant per ampla congregatim moenia
Plebs et senatus, omnis ætas civium,
Pallens iuventus, ejulantes fæminæ. 145.

Placet frementem publicis jejuniis
Placare Christum, mos edendi spernitur,
Glaucos, amicitus induit monilibus

v. 134. Vindicis. Duo Vat, Judicis.

v. 139. Flagellis. Surculis arborum.

Matrona demittit, proque gemma et serico
Crinem fluentem sordidus spargit cinis. 150.

Sqvalent recincta veste pullati patres,
Setasque plangens turba sumit textiles,
Inpexa villis virgo bestialibus
Nigrante vultum contegit velamine,
Jacens arenis et puer provolvitur. 155.

Rex ipse Coos ætuantem murices
Lænam revulsa dissipabat fibula,
Gemmas virentes et lapillos sutiles,
Insigne frontis exuebat vinculum,
Turpi capillos impeditus pulvere. 160.

Nullus bibendi, nemo vescendi memor,
Jejuna mensas pubis omnis liquerat,
Qvin et negato lacte vagientium
Fletu madescent parvulorum, cunulæ,
Succum papillæ parca nutrix derogat. 165.

Greges et ipsos claudit armentalium
Sollers virorum cura, ne vagum pecus
Contingat ore rorulenta graminâ,
Potum strepentis neve fontis hauriat:
Vacuis quere læ personant præsepibus. 170.

v. 156. Lænam ætuantem murices Coos. Purpuram, quæ
imitatur flagrantem ignem, quæque in insula Co Ægæi
maris texta et tinctoria est.

v. 162. Jejuna pubis. Primo casu. Ita Heins. ex Puteano et
Torrentianis duobus, qui etiam alibi monet apud
Prudentium hujuscemodi vocabula, quæ in es quoque
finiri possunt in is frequenter terminari in Codd vetu-
stioribus. Vaticanorum major pars pubes habent, uti
etiam Weitz. Utroque modo veteres, teste Prisciano
lib. 6. pag. 707 declinabant, ac Prudentius ipse supr.
Hymn. 5 v. 69 pubes.

v. 165. Derogat. Sic es Mss., in impressis, denegat.

Multis his et talibus brevem deus
 Irram refrenat, temperans oraculum
 Prosper sinistram. prona nam clementia
 Haud difficulter supplicem mortalium
 Solvit reatum, fitque faustis fletum. 175.

Sed cur vetustæ gentis exemplum loquor?
 Prædem caducis quum gravatus artibus
 Jesus dicato corde jejunaverit
 Prænuncipatus ore qui prophetico
 Emanuel est, sive nobiscum deus. 180.

Qui corpus istud molle naturaliter,
 Captumque laxo sub voluptatum jugo,
 Virtutis arcta lege fecit liberum
 Emancipator servientis plasmatis,
 Regnantis ante victor et cupidinis. 185.

Inhospitali namque secretus loco
 Quinis diebus octies labentibus
 Nullam ciborum vindicavit gratiam,
 Firmans salubri scilicet jejunio
 Vas adpetendis imbecillum gaudiis. 190.

Miratus hostis posse limum tabidum
 Tantum laboris sustinere ac perpeti,
 Explorat arte sciscitator callida
 Deusne membris sit receptus terreis,
 Sed increpata fraude, post tergum ruit. 195.

Hoc nos sequamur, quisque nunc pro viribus,
 Quod consecrati tu Magister dogmatis
 Tuis dedisti, Christe, sectatoribus,
 Ut quum vorandi vicerint libidinem,
 Late triumphet imperator spiritus. 200.

quod atri livor hostis invidet,
 quæ quod gubernator probat,

Altaris aram quod facit placabilem,
 Quod dormientis excitat cordis fidem,
 Quod limat ægram pectoris rubiginem. 205.

Perfusa non sic amne flamma extingvitur
 Nec sic calente sole tabescunt nives,
 Ut turbidarum scabra culparum seges
 Vanescit almo trita sub jejunio
 Si blanda semper misceatur largitas. 210.

Est quippe et illud grande virtutis genus,
 Operire nudos, indigentes pascere,
 Opem benignam ferre supplicantibus:
 Unam paremque sortis humanæ vicem
 Inter potentes utque egenos dncere. 215.

Satis beatus quisque dextram porrigit
 Laudis rapacem, prodigam pecuniæ,
 Cujus sinistra dulce factum nesciat:
 Illum perennes protinus complent opes,
 Ditatque fructus foenerantem centuplex. 220.

VIII.

Hymnus post jejunium.

Dei erga nos indulgentiam commendat, qui contentus levi obsequio, quod illi per abstinentiam exhibemus, permittat, ut largiore cibo jejunia solvamus, quæ salutarem animæ corporique precatur.

Vers. Sapphic.

Christe, servorum regimen tuorum
 Mollibus qui nos moderans habenis
 Leniter frenas, faciliqve septos
 Lege coerces.

Ipse quum portans onus impeditum
 Corporis, duros tuleris labores,
 Major exemplis, famulos remisso

Dogmate palpas,

Nona submissum rotat hora solem,
 Partibus vixdum tribus evolutis,
 Quarta devexo superest in axe

Portio lucis.

Nos brevis voti dape vindicata
 Solvimus festum, fruimurque mensis
 Adfatim plenis, quibus imbuatur

Prona voluptas.

Tantus æterni favor est magistri:
 Doctor indulgens ita nos amico
 Lactat hortatu, levis obseqvela, ut

Mulceat artus.

Addit et ne quis velit invenusto
 Sordibus cultu lacerare frontem;
 Sed decus vultus capitisque pexum

Comat honorem.

Terge jejunans, ait, omne corpus
 Neve subducto faciem rubore
 Luteus tinguat color, aut notetur

Pallor in ore,

Rectius læto tegimus pudore
 Quidquid ad cultum Patris exhibemus,
 Cernit occultum deus et latentem

Munere donat.

Ille ovem morbo residem, gregique
 Perditam sano, malè dissipantem

pro tingat, more veteri.

Vellus adfixis vepribus per hirtæ 35

Devia silvæ,

Impiger pastor revocat, lupisque

Gestat exclusis humeros gravatus:

Inde purgatam revehens aprico

Reddit ovili. 40.

Reddit et pratis, viridique campo;

Vibrat inpexis, ubi nulla lappis

Spina nec germen sudibus perarrhat

Carduus horrens.

Sed frequens palmis nemus et, reflexa 45

Vernat herbarum coma; tum perennis

Gurgitem vivis vitretum fluentis

Laurus obumbrat.

Hisce pro donis tibi, fide pastor,

Servitus quænam poterit rependi? 50

Nulla compensant pretium salutis

Vota precantium.

Quamlibet spreto sine more pastu

Sponte confectos tenuemus artus,

Teque contemptis epulis rogemus. 55

Nocte dieque.

Vincitur semper minor obsequentum

Cura nec munus Genitoris æquat:

Frangit et cratem luteam laboris

Grandior usus. 60.

Ergo ne limam fragilem solutæ

Deserant vires et aqosus albis

Humor in venis dominetur, ægrum

Corpus enervans.

Lexus ac liber modus abstinendi 65

Ponitur cunctis, neque nos severus

Terror impellit; sua quemque cogit
Velle potestas.

Sufficit, quidquid facias, vocato
Numinis nutu prius inchoare,
Sive tu mensam renoves cibumve
Sumere temptes.

Adnuit dexter Deus et secundo
Prosperat vultu; velut hoc salubre
Fidimus nobis fore, quod dicatas
Carpimus escas.

Sit bonum, supplex precor, et medelam
Conferat membris, animamque pascat
Sparsus in venas cibus obsecrantum
Christicolarum.

70

75

80

IX.

Hymnus omnis Horæ.

Hymnus est in laudem Christi, cujus duplicem tradit nativitatem, æternam et temporalem, miracula quædam commemorat, ac præcipua vitæ ejus gesta recenset et celebranda proponit.

Vers. Trochaic octonar:

Da puer plectrum, choreis ut canam fidelibus
Dulce carmen et melodum gesta Christi insignia,
Hunc Camoena nostra solum pangat, hunc laudet lyra.

v. 71. Mensam renoves, cibumve sumere temptes. Sic lego cum Weitz, ac Vaticano uno sane antiquissimo; idemque Poetæ mens requirere mihi videtur, qui vult liberum esse cuique cibis uti, vel ab iis abstinere, quem sensum certe non habes in Heinsii lectione, quæ hujusmodi est: Sive tu mensam renuas, cibumve sumere temptes.

Christus est, quem rex sacerdos adfuturum protinus
 Infultus concinebat voce, chorda et tympano, 5
 Spiritum cælo influentem per medullas hauriens.

Facta nos et jam probata pangimus miracula,
 Testis orbis est, nec ipsa terra, quod vidit, negat,
 Comminus Deum decendis proditum mortalibus.

Corde fusus ex parentis ante mundi exordium 10.
 Alpha et α cognominatus, ipse fons et clausula
 Omnium, quæ sunt, fuerunt, quæque post futura sunt.

Ipse jussit, et creata; dixit ipse, et facta sunt,
 Terra, cælum, fossa ponti, trina rerum machina,
 Quæque in his vigent sub alto Solis et Lunæ globo. 15.

Corporis formam caduci, membra morti obnoxia
 Induit ne gens periret primoplasti ex germine,
 Merserat quam lex profundo noxialis Tartaro.

O beatus ortus ille, virgo quum puerpera
 Edidit nostram salutem foeta Sancto Spiritu: 20.
 Et puer redemptor orbis os sacratum protulit.

Psallat altitudo cæli, psallite omnes angeli,
 Quidquid est virtutis usquam psallat in laudem dei,
 Nulla linguarum silescat, vox et omnis consonet.

Ecce quem vates vetustis concinebant sæculis 25.
 Quem prophetarum fideles paginæ sponderant,
 Emicat promissus olim: cuncta collaudent cum.

Cantharis infusa lympa fit Falernum nobile,
 Nuntiat vinum minister esse promptum ex hydria,
 Ipse rex sapore tinctis obstupescit poculis. 30.

v. 10. Fusus. Ita Heins., at Gisellini et Weitzii Codices nec
 non Vaticani omnes: natus habent.

v. 18. Lex noxialis: in noxios lata.

Membra mortis ulcērosa, viscerum putredines
Mando ut abluantur, inquit, fit ratum, qvōd jusserat:
Turgidam cutem repurgant vulnerum piamina.

Tu perennibus tenebris jam sepulta lumina
Inlinis limo salubri, sacri et oris nectare, 35
Mox apertis hac medela lux reducta est orbibus

Increpas ventum furentem, qvōd procellis tristibus
Vertat æqvōr fundo ab imo, vexet et vagam ratem
Ille jussis obsecundat, mitis unda sternitur.

Extimum vestis sacratæ furtim mulier attigit, 40
Protinus salus secuta est, ora pallor deserit,
Sistitur rivus, cruore, qvi fluebat perpeti.

Exitu dulcis juventæ raptum ephebum viderat,
Orba qvem mater supremis funerabat fletibus
Surge dixit, ille surgit: matri et adstans redditur. 45

Sole jam qvarto carentem, jam sepulchro absconditum
Lazarum jubet vigere reddito spiramine:
Foetidum jecur reductus rursus intrat halitus.

Ambulat per stagna ponti, summa calcat fluctuum,
Mobilis liqvōr profundi pendulam præstat viam, 50
Nec fatiscit unda sanctis pressa sub vestigiis.

Svetus antro bustiali sub catenis frendere
Mentis impos efferatis percitus furoribus
Prosilit, ruitqve supplex, Christum adesse ut senserat.

Pulsa pestis lubricorum milleformis dæmonum 55

v. 40. Metri rationem posthabitam esse observavit jam Hein-
sius; forsā ita: Extimum vestis sacratæ contigit clam
fæmina.

5. Milleformis. Vat. duo: milliformis.

Corripit gregis suilli sordida spurcamina,
Seque nigris mergit undis, ut pecus lymphaticum.

Quinqve panibus peresis, et gemellis piscibus,
Fertqve qualus ter qvaternus ferculorum fragmina,
Adfatim refecta jam sunt accubantum millia. 60.

Tu cibus, panisque noster, tu perennis svavitas:
Nescit esurire in ævum, qvi tuam sumit dapem
Nec lacunam ventris implet, sed fovet vitalia.

Glausus aurium meatus, et sonorum nescius,
Purgat, ad præcepta Christi crassa qvæqve obstacula 65.
Vocibus capax fruendis, ac susurris pervius.

Omnis ægritudo cedit, langvor omnis pellitur,
Lingva fatur, quam veterna vinxerant silentia,
Gestat et suum per urbem lætus æger lectulum.

Qvin et ipsum, ne salutis inferi expertes forent, 70.
Tartarum benignus intrat, fracta cedit janua
Vectibus cadit revulsis cardo dissolubilis.

Illà promta ad inruentes, ad revertentes tenax,

v. 57. Ut pecus. Hæc recta videtur esse lectio; Puteanus autem Heinsii, tresqve Vatic. vetustiores: et pecus; Weitz. et Vat. unus: fit pecus.

v. 59. Fertqve qualus ter. Si planior sensus attendendus, hæc ceteris præferenda lectio et versum dispositio, quam exhibent duo Vat. Cod., et ex parte veteres Editiones; alii legerunt: Ferte qualis ter qvaternis ferculorum fragmina etc. qvæ implicita satis lectio est.

v. 70. Ne salutis inferi expertes forent. Animæ justorum in inferis, seu Limbo, ut vocant, detentæ.

v. 72. Cardo dissolubilis. Quidam Codd. apud Heins. et tres Vatic. indissolubilis habent, quod sensus videtur postulare, sed ratio metri repugnat.

lacrimis, quibus eorum dolemus interitum, modus ponendus est, ac mors tanquam vitæ reparatio consideranda.

Vers. anapæstic trimetr. catalect.

Deus ignee fons animarum,
Duo qui socians elementa,
Vivum simul ac moribundum,
Hominem, Pater effigiasti.

Tua sunt, tua, rector, utraqve,
Tibi copula jungitur horum,
Tibi dum vegetata cohærent,
Et spiritus et caro servit.

Rescissa sed ista seorsum
Solvunt hominem perimuntqve;
Humus excipit arida corpus,
Animæ rapit aura liqvorem.

Quia cuncta creata necesse est
Labefacta senescere tandem,
Compactaqve dissociari,
Et dissona texta retexi.

v. 1. Ignée foris animarum. Vel ad Scripturæ loca respexit, in quibus ignis apellatione Deus sæpe numero venit, vel etiam ad Stoicorum opinionem, qui animam igneæ naturæ et *θερμὸν Πνεῦμα* esse voluerunt.

v. 8. Et spiritus et caro servit. Ita Heins. quatuor Vatic. Codd. Weitzii lectionem habent: Spiritus simul et caro vivit.

v. 9. Rescissa sed ista seorsum. In duobus vel tribus sequentibus versuum quaternionibus Codd. mirum in modum a se invicem dissentiunt, quorum alii octo, alii quatuor versus subjiciunt, qui aliis verbis idem, quod hic habes, dicunt.

Hanc tu Deus optime mortem

Famulis abolere paratus

Iter inviolabile monstras,

Qva perdita membra resurgant.

20

Ut dum generosa caducis,

Ceu carcere clausa, ligantur,

Pars illa potentior exstet.

Qvæ germen ab æthere traxit.

Si terrea forte voluntas

25

Luteum sapit, et grave captat;

Animus quoque pondere victus

Sequitur sua membra deorsum.

At si generis memor ignei

Contagia pigra recuset,

30

Vehit hospita viscera secum,

Pariterque reportat ad astra.

Nam quod requiescere corpus

Vacuum sine mente videmus,

Spatium breve restat, ut alti

35

Repetat collegia sensus.

Venient cito sæcula, quum jam

Socius calor ossa revisat,

Animataque sanguine vivo

Habitacula pristina gestet.

40

Qvæ pigra cadavera pridem

Tumulis putrefacta jacebant,

Volucres rapiuntur in auras,

Animas comitata priores.

r. 29. Generis ignei. Contracto epitheto in duas syllabas. Sic Heins., cui favet unus Vat. ceteri cum Weitzio: ignis.

r. 30. Pigra. Vat. unus nigra.

Hinc maxima cura sepulchris 45
 Impenditur hinc resolutos
 Honor ultimus accipit artus,
 Et funeris ambitus ornat.
 Candore nitentia clavo
 Prætendere lintea mos est, 50
 Adpersaque myrrha Sabæo
 Corpus medicamine servat.
 Quid nam æbi saxa cavata?
 Quid pulchra volunt monumenta?
 Res quod nisi creditur illis 55
 Non mortua sed data somno.
 Hoc provida Christicolarum
 Pietas studet, utpote credens
 Fore protinus omnia viva,
 Quæ nunc gelidus sopor urguet. 60
 Qui jacta cadavera passim
 Miserans tegit aggere terræ,
 Opus exhibet ille benignum
 Christo pius omnipotenti.
 Quin lex eadem monet omnes, 65
 Gemitum dare sorte sub una,
 Cognataque funera nobis
 Aliena in morte dolere,
 Sancti sator ille Tobie
 Sacer ac venerabilis heros, 70
 Dapibus jam rite paratis
 Jus prætulit exsequiarum,
 Jam stantibus ille ministris,
 Cyatos et fercula liquit,

Urguet pro urget, more veteri, ut supra Hymn. 8, 27.

Studioque accinctus humandi
Fleto dedit ossa sepulchro.

75.

Veniunt mox præmia cælo,
Pretiumque rependitur ingens;
Nam lumina nescia solis
Deus inlita felle serenat.

80.

Jam tunc docuit Pater orbis,
Quam sit rationis egenis
Mordax et amara medela,
Quum lux animum nova vexat.
Docuit quoque non prius ullum
Cælestia cernere regna,
Quam nocte et vulnere tristi
Toleraverit aspera mundi.

85.

Mors ipsa beatior inde est
Quod per cruciamina læti
Via panditur ardua justis,
Et ad astra doloribus itur.

90.

Sic corpora mortificata
Redeunt melioribus annis,
Nec post obitum recalescens
Compago fastiscere novit.

95.

Hæc, quæ modo pallida tabo
Color albidus inficit, ora,
Tunc flore venustior omni
Sanguis cute tinguet amoena.

100.

Jam nulla deinde senectus
Frontis decus invida carpet,
Macies neque sicca lacertos
Succo tenuabit adeso.

Morbus quoque pestifer artus
Qui nunc populatur anhelos,

105.

Sua tunc tormenta resudans

Luet inter vincula mille:

Hunc eminus aëre ab alto
Victrix caro, jamque perennis
Cernet sine fine gementem,
Qvos moverat ipse dolores.

Qvid turba, superstes, inepta
Clangens ululamina miscet?
Cur tam bene condita jura
Luctu dolor arguit amens?

Jam moesta quiesce querela,
Lacrymas suspendite matres:
Nullus sua pignora plangat
Mors hæc réparatio vitæ est.

Sic semina sicca virescunt.
Jam mortua, jamque sepulta:
Qvæ reddita cespite ab imo
Veteres meditantur aristas.

Nunc suscipe terra fovendum
Grémioque hunc concipe molli:
Hominis tibi membra sequestra,
Generosa et fragmina credo.

Animæ fuit hæc domus olim
Factoris ab ore creatæ:
Fervens habitavit in istis
Sapientia principe Christo.

Tu depositum tege corpus
Non immemór illa requirer
Sua munera factor et auctor
Propriique ænigmata vultus.

Veniant modo tempora justa,
Qvum spei Deus impleat omnem,

Reddas patefacta necesse est,
Qvalem tibi trado figuram.

140.

Non si cariola vetustas
Dissolverit ossa favillis
Fueritqve cinisculus arens
Minimi mensura pugilli.

Nec si vaga flamina, et auræ
Vacuum per inane volantes
Tulerint cum pulvere nervos;
Hominem periisse licebit.

145.

Sed dum resolubile corpus
Revocas, Deus, atqve reformas,
Qvanam regione jubebis
Animam requiescere puram?

150.

Gremio senis addita sancti
Recubabit, ut illa Lazari,
Qvem floribus undiqve septum
Dives procul adspicit ardens.

155.

Sequimur tua dicta Redemptor,
Qvibus atra e morte triumphans
Tua per vestigia mandas
Socium crucis ire latronem.

160.

Patet ecce fidelibus ampli
Via lucida jam paradisi,
Licet et nemus illud adire,
Homini qvoad ademerat angvis.

Illic, precor, optime ductor,
Famulam tibi præcipe mentem
Genitali in sede sacrari
Qvam liquerat exul et errans.

165.

Nos tecta fovebimus ossa
 Violis et fronde frequenti:
 Titulumque et frigida saxa
 Liquido spargemus odore.

170.

XI.

Hymnus octavo Kalendas Januarias

Celebrat diem Christi Domini Natalem, cujus æternam a Patre originem agnoscit, eiſque pastores non solum sed et muta animalia testimonium perhibuisse ait, incredulos redarguit Judæos, eiſque denuntiat venturum eum aliquando Judicem bonorum, et malorum.

v. 170. Violis et fronde frequenti. Quamdiu perduravit Idololatria, hunc morem aversatos fuisse Christianos produnt institutæ ab Ethnicis contra eos accusationes, inter quas et hæc erat, quod neque mortuos, neque sepulchra coronarent. Hi autem utrumque verum esse fatebantur: neutrum tamen sibi probari posse docebant, quod aliquid in iis usibus reperiretur, quod superstitionem contineret. Clem. Alex. lib. II. Pædag. c. 8; Tertull. lib. De Corona Mil. c. 5 et 10; Cyprian. De lapsis. Itaque tum demum adhiberi a nostris etiam mos coepit, quam, sublata idololatria, periculum jam nullum erat. Vid. Mamach. Orig. et Antiquit. Ghistianar. Tom. 1 lib. 1 c. 5 § 28 pag. 183.

Conf. passim cum h. hymn. Iesus danic. Med Sorgen og Klagen etc.

Octav. Kal. Hunc titulum præferunt Codd. probatiores, in nonnulli. autem habetur Hymnus Natalis Domini, quod prioris illius interpretationem esse nemo non vidit.

Vers. Jambic. Qvaternar.

Qvid est qvod arctum circulum
Sol jam recurrens deserit?
Christus ne terris nascitur,
Qvi lucis auget tramitem?

Heu qvam fugacem gratiam,
Festina volvebat dies?

5.

Qvam pæne subductam facem
Sensim recisa extinxerat?

Cælum niteat lætius,
Gratetur et gaudens humus:

10.

Scandit gradatim denuo
Jubar priores lineas.

Emerge dulcis pusio,
Qvem mater edit castitas,
Parens et expers conjugis,
Mediator et duplex genus.

15.

Ex ore qvamlibet Patris
Sis ortus et verbo editus,
Tamen paterno in pectore
Sophia callebas prius.

20.

v. 1. Qvid est. Fingit mirari se, qvid sit, qvod dies, qvi antea decrescebant, nascente Christo incipiant crescere, atqve ex hoc ipso celebrandæ Chriti dignitatis sumit occasionein. Arctum circulum. Arctum vocat circulum Capricorni, a qvo sol ineunte hyeme recedit, qvia arctior est omnibus circulis; qvos sol describit, usqve dum perveniat ad æqvatozem.

v. 4. Lucis auget tramitem. Facit dies longiores.

v. 14. Mater castitas. Sic Mss. omnes Weitz. Cellarius aliique: matris castitas.

v. 20. Callebas prius. Prius hic est ab æterno, et callebas, callendo eras sapientia, callere enim scire est. Ita Cellarius. Sophia, λογος ενδιαθετος, Proverb. 8vo.

Qvæ prompta cælum condidit,
 Cælum diemqve et cætera
 Virtute Verbi effecta sunt
 Hæc cuncta, nam Verbum Deus.

Sed ordinatis sæculis, 25
 Rerumqve digesto statu,
 Fundator ipse et artifex
 Permansit in Patris sinu.

Donec rotata annalium
 Transvolverentur millia, 30
 Atqve ipse peccantem die
 Dignatus orbem viseret.

Nam coeca vis mortalium
 Venerans inanes nœnias,
 Vel aera, vel saxa algida, 35
 Vel ligna credebat Deum.

Hæc dum seqvuntur, perfidi
 Prædonis in jus venerant,
 Et manicipatam fumido
 Vitam barathro immerserant. 40.

Stragem sed istam non tulit
 Christus cadentum gentium
 Impune, ne forsân sui
 Patris periret fabrica.

Mortale corpus induit, 45
 Ut excitato corpore

v. 33. Vis mortalium. Multitudo.

v. 40. Barathro. Barathrum fossa profundissima fuit in agro Attico in quam homines damnati conjiciebantur. Sumitur pro quocunque loco profundo et obscuro, in quo servantur nocentes.

Mortis catenam frangeret,
Hominemque portaret Patri.

Hic ille natalis dies,

Qvo te creator arduus
Spiravit et limo indidit
Sermone carnem glutinans.

50.

Sentis ne, virgo nobilis,
Matura per fastidia
Pudoris intactum decus
Honore partus crescere?

55.

O quanta rerum gaudia
Alvus pudica continet!
Ex qua novellum sæculum
Procedit, et lux aurea.

60.

Vagitus ille exordium
Vernantis orbis prodidit;
Nam tunc renatus sordidum
Mundus veterum depulit.

Sparsisse tellurem reor
Rus omne densis floribus,
Ipsasque arenas Syrtium
Fragrasse nardo et nectare.

65.

Ta cuncta nascentem puer
Sensere dura et barbara,
Vectusque saxorum rigor
Obduxit herbam cotibus.

70.

55. Sentisne. Minime sentis. Fabricius.

61. Vagitus ille. Qui in reliquis mortalibus auspiciū est
futuræ calamitatis, in Christo fuit exordium orbis ver-
nantis et renascentis.

65. Sparsisse tellurem Partim poetica fictione partim ex
Joel. 3, 18 hæc deducta sunt.

Jam mella de scopulis fluunt,

Jam stillat ilex arido

Sudans amomum stipite,

75

Jam sunt myricia balsama.

O sancta prætepis tui,

Æterne Rex, cunabula,

Populisque per sæclum sacra

Mutis et ipsis credita!

80

Adorat hæc brutum pecus;

Indocta turba scilicet,

Adorat excors natio,

Vis cujus in pastu sita est.

Sed quum fideli spiritu

85

Concurrat ad præsepia

Pagana gens et quadrupes,

Sapiatque, quod brutum fuit;

Negat patrum prosapia

Perosa præsentem Deum,

90

Credas venenis ebriam,

Furiisve lymphatam rapi.

- v. 80. Mutis et ipsis credita. Conf. Hymnus, in quo: Agnovit hos et Asinus, quod puer erat dominus: bovem et asinum præsepio, in quo Christus natus est, adstetisse, vetus opinio est, atque ut ait ad h. l. Erasmus a priscis usque sæculis manavit ad nos pictura, quæ Jesu præsepi addit bovem et asinum. Extat in Museo Væt. antiquum vitrum anaglyphum eandem rem exhibens cum epigraph. Cognovit hos etc., quod ejus olim possessor Franciscus Victorius ligno incidi curavit et illustavit Dissertat. De num. æreo vet. Christianor. p. 37-40.

- v. 82-83. Indocta turba — excors natio. Pastores et Magi in asino et bove adumbrati.

87. Pagana gens. Pastores ab angelo moniti, qui adjacentes Bethléem pagos incolebant, a pago scilicet paganus.

Qvid prona per scelus ruis?

Agnosce, si quidquam tibi

Mentis resedit integræ,

95.

Ducem tuorum principum.

Hunc quem latebra, et obstetrix,

Et virgo foeta, et cunulæ

Et imbecilla infantia,

Regem dederunt gentibus.

100.

Peccator, intueberis

Celsum coruscis nubibus,

Dejectus ipse et inritis

Plangens reatum fletibus:

Quam vasta signum buccina

105.

Terris cremandis miserit,

Et scissus axis cardinem

Mundi ruentis solverit.

Insignis ipse et præminens

Meritis rependet congrua,

110.

His lucis usum perpetis,

Illis gehennam et Tartarum.

Judæa, tunc fulmen crucis

Experta; qui sit, senties,

Quem, te furoris præsule,

115.

Mors hausit, et mox reddidit,

v. 97. Latebra. Ita Heins. Vatic: partim latebra partim latebræ habent. Latebra stabulum obscurum.

v. 101. Peccator intueberis. Judæos speciatim intelligit.

v. 113. Fulmen crucis. Hæc metaphorice dicta accipit Cellarius, alii proprie, quod dæmonus pellit.

XII.

Hymnus Epiphaniæ.

In hoc hymno, celeberrimo Epiphaniæ festo consecrato pluribus stellam Christi prænuntiam extollit, quam Magi secuti Bethleem venerunt, et natum Dominum oblatis muneribus venerati sunt; tum immanem ad Christum perdendum infantium stragem ab Herode editam late prosequitur, in qua Christum involvi non potuisse, in iis, quæ Möysi contigerant præfiguratum fuisse demonstrat.

Vers. Jambic. Qvaternar.

Qvicumqve Christum qværitis	In Breviar. Ro-
Oculos in altum tollite :	man. in Fe-
Illic licebit visere	sto Transfi-
Signum perennis gloriæ.	gur. ad Ve-
	sper.

Hæc stella quæ solis rotam 5.

Vincit decore et lumine,

Venisse terris nuntiat

Cum carne terrestri Deum.

Non illa servit noctibus

Secuta lunam mēstruam: 10.

Sed sola cælum possidens

Cursum dierum temperat.

Arctoa quamvis sidera

In se retortis motibus

Obire nolint, attamen 15.

Plerumqve sub nimbis latent.

Hæc sidus æternum manet,

Hæc stella nunquam mergitur,

17. *Æternum manet.* Allegorice Christum ipsum notat.

Nec nubis occursu abdita
Obumbrat obductam facem. 20.

Tristis cometa intercidat
Et, si quod astrum sirio
Fervet vapore, jam Dei
Sub luce destructum cadat.

En Persici ex orbis sinu, 25.

Sol unde sumit januam,
Cernunt periti interpretes
Regale vexillum Magi.

Quod ut refulsit, ceteri
Cessere signorum globi, 30.
Nec pulcher est ausus suam
Conferre formam lucifer.

Quis iste tantus, inqvunt,
Regnator astris imperans
Qvem sic tremunt cælestia 35.
Cui lux et æthra inserviunt?

Inlustre quiddam cerninus,
Quod nesciat finem pati.
Sublime, celsum, interminum,
Antiquius cælo et chao. 40.

Hic ille rex est gentium,
Populique rex Judaici,
Promissus Abrahæ patri,
Ejusque in ævum semini.

v. 22. Sirio vapore. Ardentissimo ac pestilenti.

v. 25. En Persici ex orbis sinu. Hæc quoque fuit aliorum patrum sententia, licet opinio eorum, qui volunt Magos ex Arabia vel Chaldæa venisse, non minori gaudent probabilitate.

Æqvanda nam stellis sua 45.
 Cognovit olim germina,
 Primus sator credentium
 Nati immolator unici
 Jam flos subit Davidicus
 Radice Jessæa editus, 50.
 Sceptrique per virgam virens
 Rerum cacumen occupat.
 Exin sequuntur perciti
 Fixis in altum vultibus,
 Qva stella sulcum traxerat 55.
 Claramqve signabat viam.
 Sed verticem pueri supra
 Signum pependit imminens.
 Pronaque submissum face
 Caput sacratum prodidit. 60.
 Videre qvod postqvam Magi,
 Eoa promunt munera
 Stratique votis offerunt
 Thus, myrrham et aurum regium.
 Agnosce clara insignia 65.
 Virtutis ac regni tui.
 Puer o cui trinam Pater
 Prædestinavit indolem.
 Regem Deumqve adnuntiant
 Thesaurus et fragrans odor 70.
 Thuris Sabæi, ac myrrheus
 Pulvis sepulchrum prædocet.
 Hoc, hoc sepulchrum, qvo, Deus

v. 66. Trinam indolem. Esse Deum, Hominem et regem.

v. 73 Hoc hoc. Ita Heins. Cod. Putean. secutus. Vatic. pene omnes, hoc est sepulchrum, qvo etc.

Dñm corpus extingvi sinit,
Atqve id sepultum suscitaf
Mortis refregit carcerem, 75.

O sola magnarum urbium
Major Bethlem, cui contigit
Ducem salutis cœlitus
Incorporatum gignere! 80.

Altrice te, summo Patri
Heres creatur unicus,
Homo ex Tonantis Spiritu,
Idemqve sub membris Deus,
Hunc et prophetis testibus, 85.
Isdemqve signatoribus
Testator et sator jubet
Adire regnum et cernere.

Regnum quod ambit omnia
Dia, et marina, et terrea 90.
A solis ortu ad exitum,
Et tartara et cœlum supra.

Audit tyrannus anxius
Adesse regum principem,
Qvi nomen Israel regat, 95.
Teneatqve David regiam

Exclamat amens nuntio
Successor instat pellimur:
Satelles, i, ferrum rape,
Perfunde cunas sanguine. 100.

v. 86. Isdempve pro Isdemqve.

v. 87. Cernere a: iudicium exercere.

v. 90. Dia. Aëria seu cœlestia.

v. 99. Satelles, i, ferrum rape. Sic Heins. cui favet Vat.
unus; Ceteri partim: satelles ferrum rape, partim:
ferrum satelles arripe.

Mas omnis infans occidat,
 Scrutare nutricum sinus,
 Interqve materna ubera
 Ensem cruentet pusio.

Suspecta per Bethlem mihi 105.
 Pnerperarum est omnium
 Fraus ne qva furtim subtrahat
 Prolem virilis indolis.

Transfigit ergo carnifex 110.
 Mucrone districto furens
 Effusa nuper corpora.
 Animasqve rimatur novas.

Locum minutis artubus
 Vix interemtor invenit,
 Qvo plaga descendat patens, 115.
 Iuguloqve major pugio est.

O barbarum spectaculum!
 Inlisa cervix cautibus
 Spargit cerebrum lacteum
 Oculosqve per vulnus vomit. 120.

Aut in profundum palpitans 125.
 Mersatur infans gurgitem:
 Cui subter arctis faucibus
 Singultat unda, et halitus.
 Salvete flores Martyrum,
 Qvos lucis ipso in limine
 Christi insecutor sustulit,
 Ceu turbo nascentes rosas.

v. 111. Effusa nuper corpora. Paulo aute in lucem edita.
 Mire autem, ait Erasmus, tractat Poeta hunc misera-
 tionis affectam.

Vos prima Christi victima

Grege immolatorum tener

130.

Aram ante ipsam simplices

Palma et coronis luditis.

Qvo proficit tantum nefas?

Qvid crimen Herodem juvat?

Unus tot inter funera

135.

Impune Christus tollitur.

Inter coevi sanguinis

Fluenta solus integer:

Ferrum quod orbabat nurus,

Partus fefellit virginis.

140.

Sic stulta Pharaonis mali

Edicta quondam fugerat

Christi figuram praeferens

Moses receptor civium.

Cautum et statutum jus erat,

145.

Qvo non liceret matribus,

Qvum pondus alvi absolverent,

Puerile pignus tollere.

Mens obstetricis sedulae

Pie in tyrannum contumax

150.

Ad spem potentis gloriae

Furata servat parvulum.

131. Aram ante ipsam. Est Synalephe non insolens nostro auctori, ut ex collatione locorum probat Heinsius. Fabricius habet: Aram ante et ipsam, magis vero arri-det Torrentii lectio: Aram sub ipsam, non solum quod vitetur hiatus, sed etiam quod magis respondeat Apocal. 6, 9, ad quem locum Poeta respexisse videtur.

135. Qvo proficit. Sic duo Vat. cum Heins. alii duo: quid proficit.

144. Receptor. Liberator.

Quem mox sacerdotem sibi
 Adsumsit orbis conditor,
 Per quem notatam saxeis
 Legem tabellis traderet. 155
 Licetne Christum noscere
 Tanti per exemplum viri!
 Dux ille cæso Ægyptio
 Absolvit Israël jugo. 160.
 At nos subactos jugiter
 Erroris imperio gravi
 Dux noster hoste saucio
 Mortis tenebris liberat.
 Hic expiatam fluctibus 165
 Plebem marino in transitu
 Repurgat undis dulcibus,
 Lucis columnam præferens.
 Hic præliante exercitu,
 Pansis in altum brachiis 170.
 Sublimis Amalec premit,
 Crucis quod instar tunc fuit.
 Hic nempe Jesus verior:
 Qvi longa post dispendia
 Victor suis tribulibus 175.
 Promissa solvit jugera.

v. 165. Undis dulcibus. Vel ad Exod. c. 15, aut etiã 17 noster respicere videtur.

v. 173. Hic nempe Jesus verior. Non dubito quin Josve designetur, cujus propria sunt gesta, quæ recenentur. Nec mirum, quod Josve verior servator appelletur, licet enim in ceteris omnibus Mose longe inferior esset, nomine tamen superior, et populum in terram promissam introduxit; quod Moses præstare non valuit.

Qvi ter qvaternus deniqve
 Refluentis amnis alveo
 Fundavit et fixit petras,
 Apostolorum stemmata.

180.

Jure ergo se Judæ ducem
 Vidisse testantur Magi,
 Qvum facta priscorum ducum
 Christi figuram finxerint,

185.

Hic rex priorum judicum,
 Rexere qvi Jacob genus
 Dominæqve rex ecclesiæ
 Templi et novelli et pristini

Hunc posteri Effrem colunt,
 Hunc sancta Manassæ domus,
 Omnesqve suspiciunt tribus
 Bis sena fratrum semina.

190.

Qvin et propago degener
 Rjtum secuta inconditum,
 Qvæcumqve dirum fervidis
 Baal caminis coxerat.

195.

Ramosa avorum numina
 Saxum, metallum, stipitem,
 Rasum, dolatum, sectile,
 In Christi honorem deserit

200.

v. 184. Finxerint. Alii pinxerint.

v. 187. Dominæ ecclesiæ. Ecclesia domina dicitur ad differen-
 tiam Synagogæ, qvæ ancilla, Galat. 4. 24. seqv.

v. 189. Effrem. Ita Weitz. Codd. et Vat. fere omnes. Alii
 Ephraim, qvod ratio metri requirit.

v. 193-94 Propago — inconditum. Gentilium periphrasis.

v. 196. Dirum Baal. Qvodlibet idolum.

v. 199. Rasum, dolatum, sectile. Metallum raditur lima
 lignum dolatur, saxum secatur.

Gaudete, quidquid gentium est,
 Judæa, Roma et Græcia,
 Ægypte, Thrax, Persa, Schytha,
 Rex unns omnes possidet.

Laudate vestrum Principem
 Omnes beati ac perditī.
 Vivi, imbecilli ac mortui
 Jam nemo posthac mortuus.

205.

Cælii Sedulii*).

Hymnus I.

Collectio Veteris et Novi Testamenti per Schema
Επαναληψως alternis versibus repetitæ.

Cantemus socii, Domino cantemus honorem:

Dulcis amor Christi personet ore pio.

Primus ad ima ruit magna de luce superbus,

Sic homo cum tumuit, primus ad ima ruit.

Unius ob meritum cuncti periere minores,

5.

Salvantur cuncti unius ob meritum.

Sola fuit mulier, patuit quæ janua leto:

Ex quæ vita redit, sola fuit mulier:

Frater iniquus erat, justum qui perculit olim:

*) Cæl. Sedul. ed. C. Cellar. Halæ Magdeb. 1759, 8vo.

Επαναληψως. Quæ singulis distichis initium prioris
 versus est finis posterioris.

v. 3. Primus superbus. Diabolus.

v. 6. Cuncti unius. Cum hiatus sine Synalepha; Sic quoque
 infra v. 62; 74, 106 Conf. ad h. l. Rom. 5.

v. 8. Ex quæ. Ita Cod. Alm.; Alij: et quæ.

- Damnator Christi frater iniquus erat.** 10.
Transitus ille monet, quid prima amisit origo,
Quid ventura parent, transitus ille monet.
Arca levatur aqvis, homines ne perderet æqvor:
Ne pereant homines, arca levatur aqvis.
Sume pater populos pro nati vulnere cunctos: 15.
Quum tradis Christum, sume Pater populos.
Hostia summa patris, tacitis signata figuris:
Quam referat Christus hostia summa patris.
Claudicat ecce videns Dominum, dum prævalet heros
Aspera gens Christum claudicat ecce videns. 20.
Reppulit ille famem, venitius crimine fratrum:
Venditus est Christus, reppulit ille famem.
Perfide corde peris, dum vastant omnia plagæ:
Dum cessant plagæ, perfide corde peris.
Agnus ab hoste sacer revocavit sanguine patres: 25.

- v. 10. **Damnator Christi.** Proditor Judas, qui frater, id est amicus et Socius Domini ac discipulus.
v. 11. **Transitus ille.** Caini et Abelis in agrum: ex LXX et Vulgata Genes. 4, 8. *οὐκ ἔλθομεν εἰς τὸ πεδίον*, egrediamur foras.
v. 12. **Transitus ille.** Christi ad Patrem.
v. 14. **Arca levatur aqvis.** Altera arca est ecclesia baptismo salvata. 1 Petr. 3, v. 20, 21.
v. 15. **Sume pater populos etc.** Abrahamus est filium mactaturus, cui promissio facta. Gens 22, 16, 17.
v. 17. **Hosia patris.** Isaac.
v. 18. **Christus.** Syllaba posterior contra legem producta.
v. 21. **Venitus.** Ita Codd. Cant. et Alm., id est venditus, a veneo, Vulgati libri: distractus.
v. 23. **Perfide corde peris.** Pharaonis induratio et Judæorum comparantur.

- Sanguine nosque refert agnus ab hoste sacer.
 Obruit unda nefas, populo gradiente per æqvor:
 Nunc mundi populis obruit unda nefas.
 Murmurat impietas, manna veniente refecta:
 Panis adest Christus, murmurat impietas. 30.
 Plebs sibi dura caput terræ cultoris adoptat:
 Abstulit heu Christum plebs sibi dura caput!
 Lex dedit indicium veteris de crimine pænæ:
 Qvodque salus veniat, lex dedit indicium.
 En lapis irriguus: satiare incredule, fonte, 35.
 Qvi Christum reprobas: en lapis irriguus!
 Carpitur igne sacro munus votumque piorum:
 Seditiosa tribus carpitur igne sacro.
 Regna beata patris legis non contigit heres:
 Jesus dispensat regna beata patris. 40.
 Destruit arca dei muros, dum circuit hostem:
 Sic hostem mundi destruit arca dei.
 Area vellus habet, madido sed vellere sicca est:
 Siccum tota madens area vellus habet.
 Vincis honore dei promisso munere gentes: 45.
- v. 27. Obruit unda nefas. Submersio Ægyptiorum in pœnam:
 et Christianorum ad tollendum peccatum.
- v. 28. Mundi populis. Ita Fabric.; cod. Alm. cum hiato: po-
 pulis mundi obruit; Vulgat. mundis.
- v. 31. Caput terræ cultoris. Bovis, vituli aurei. Conf. Exod.
 cap. 32.
- v. 34. Lex dedit indicium. Vaticinia V. T. de Christo.
- v. 35. Petra percussa, quæ aquam fudit, satiare sive satiatis,
 passive.
- v. 38. Seditiosa tribus. Coran, Dathan, Abiram.
- v. 42. Arca dei. Christus.
- v. 45. Vincis honore dei. Jephtha.

Adfectum natæ vincis amore dei.

Tu decus omne tuis, qui sternis cæde Goliath:

Qui vincis mundum, tu decus omne tuis.

Maxima dona dei cuncti cecinere prophetæ:

Implevit Christus maxima dona dei.

50.

Pondera dura tulit mandatum legis et iram:

Gratia mandati pondera dura tulit.

Virgo Maria nitet nullo temerante pudorem:

Post partum pueri virgo Maria nitet.

Filius hic hominis fit maxima quæstio mundi:

55.

Nobiscum deus est filius hic hominis.

Gaudia magna dei mundus percepit et ambit:

Respuit heu mundus gaudia magna dei.

Signa movent populos, cernunt magnalia cæci:

Nulla tamen duos signa movent populos.

60.

Aspera mors populis ligno deducta cucurrit:

Aufertur ligno aspera mors populis.

Ipse tulit dominus pro pænis munera servis:

Pro servis pænas ipse tulit dominus.

Vita beata necem miseris avertere venit:

65.

Pertulit a miseris vita beata necem.

Lumen adesse dei persensit tartarus ingens:

Nec cernunt homines lumen adesse dei.

Mors fera per hominem miserum sibi subdidit orbem:

v. 51. Tulit. Prius tulit est attulit; posterius abstulit.

v. 55. Maxima quæstio. Lapis offensionis.

v. 57. Percepit. Ex Cant. et Alm. Codd; Vulgatum: hæc sentit.

v. 63. Ipse tulit dominus. Glossæ Alm. Codicis prius tulit retulit, et prius servis martyribus suis; postarius tulit, sustinuit interpretantur.

Subdita contremuit mors fera per hominem. 70
 Suscitāt ecce genus mortī pater ille profanus:
 Ad vitam Christus suscitāt ecce genus.
 Hic populus dominum dura cervice negavit:
 Suscepit primum hic populus dominum.
 Sangvine læta redit fuso gens impia Christi: 75
 Gustato Christi sangvine læta redit.
 Crimina cuncta suis terrenus contulit auctor:
 Dissolvit Christus crimina cuncta suis.
 Libera corda sibi facinus devinxerat olim:
 Nunc reficit Christus libera corda sibi. 80
 Fortia vincla dedit peccati sæva potestas:
 Dulcis amor Christi fortia vincla dedit.
 Jam super astra sedet, cuncti exultate fideles:
 Perfide, quid sævis? jam super astra sedet.
 Mortuus ille tonat, cælum terramque subegit: 85
 Quid facient hostes? mortuus ille tonat.
 Pellitur umbra die, Christo veniente, figura:
 Christus adit gentes, pellitur umbra die.
 Te properare docent et signa et sæcula prima:
 Nos sacra, quæ gerimus, te properare doceant. 90
 Unicus adveniens firmavit vota priorum:
 Vota dedit nobis unicus adveniens.
 Passio, Christe, tui complevit munera legis

v. 71. Suscitāt mortī. Gignit Adam morituros.

v. 74. Suscepit primum hic. Cum hiatu. Et Mss. Cant. et Alm. primum, puta dominum; vulgati: primus.

v. 87. Christo.; Sic Alm. et Fabric.; Alii: Christi. Figura, typi.

Te properare docent. Adventus Christi primus et secundus componuntur.

Priorum. Alii: piorum.

Tui. Sic Cant. et Alm., Vulgati: tua.

Mumerā nostra replet passio, Christe, tui.
 Hic homo, qvi deus est, spes est antiqva piorum: 95.
 Spes in fine piis hic homo qvi deus est.
 Munus erat fidei toto credentibus ævo:
 Qvi dedit, ut credant, munus erat fidei.
 Te veniente, deus, mundanus concidit error:
 Occidet hic mundus, te veniente, deus. 100.
 Gratia plena dei est, qvæ totis gentibus exstat:
 Abscedant sectæ, gratia plena dei est.
 Sola columba redit, qvæ totum circuit orbem:
 Discedant corvi, sola columba redit.
 Adveniet dominus dare digna piis, mala pravis: 105.
 Credite jam miseri, adveniet dominus.
 Visio, Christe, tui, tormentum et pæna malorum est:
 Gloria cuncta bonis visio, Christe, tui.
 Gloria magna Patri, semper tibi gloria, Nate,
 Cum sancto Spiritu, gloria magna Patri,

Hymnus II.

alphabeticus, vitam Christi continens.

Vers. Jambic. Qvaternar:

A solis ortus cardine
 Adusqve terræ limitem

In Nativitate Do-
 mini ad lau-
 des.

- v. 93. Qvi dedit, ut credant. Christus et auctor est fidei, et per fidem donatur. Credant, ita Mss; vulgo: credat.
 v. 100. Occidet hic mundus. Alm. occidit hic; vulgati reliqui: occubuit mundus.
 v. 106. Miseri adveniet. Sine elisione, nt sarpins.
 v. 110. Spiritu, Pælm. flatu, qvia prima in spiritu longa; melius forsā: Sancto et Spiritui; at vetus ille lectio, et Beda in libro de Metrica Ratione ad h. l. observat: "poeta, ut gloriam sanctæ et individue Trinitatis clara voce decantaret, neglexit regulam grammaticæ dispositionis".

Christum canamus principem
Natum Maria virgine,

Danic. Vi Christi
love hver
og een etc.

Beatus auctor sæculi

5.

Servile corpus induit,

Ut carne carnem liberans

Ne perderet, quos condidit.

Clausæ parentis viscera

Cælestis intrat gratia:

10.

Venter puellæ bajulat

Secreta, quæ non noverat.

Domus pudici pectoris

Templum repente fit dei:

Intacta, nesciens virum,

15.

Verbo concepit filium.

Enixa jam puerpera est,

Quem Gabriel prædixerat,

Quem matris alvo gestiens

Clausus Johannes senserat.

20.

Fœno jacere pertulit

Præsepe non abhorruit:

Parvo lacte pastus est,

Per quem nec ales esurit.

Gaudet chorus cælestium,

25.

Et angeli canunt deum:

Palamque fit pastoribus

Pastor creator omnium.

Herodes, hostis impie,

Christum venire quia times?

Danic. Herodes,
hvi frygter du
etc.

30.

v. 9. Clausæ. Vulgat. castæ.

v. 26. Canunt deum. Vulgat: deo; sed etiam v. 3 cum quarto
casu: Christum canamus.

Non eripit mortalia,
Qvi regna dat cælestia.

Ibant Magi, qva venerant,
Stellam sequentes præviam,
Lumen requirunt lumine. 35.
Deum fatentur munere.

Katerva matrum personat,
Collisa deflens pignora,
Qvorum tyrannus millia
Christo sacravit victimam. 40.

Lavacra puri gurgitis
Cælestis agnus attigit:
Peccata, qvæ non detulit,
Nos abluendo, sustulit.

Miraculis dedit fidem 45.
Habere se deum patrem:
Infirma sanans corpora,
Et suscitans cadavera.

Novum genus potentia
Aqvæ rubescunt hydriæ, 50.
Vinumqve jussa fundere
Mutavit unda originem.

Orat salutem servulo
Flexus genu centurio,
Credentis ardor plurimus 55.
Exstinxit ignes febrium.

v. 53. Qva venerant. Ita Alm, qvod est, qva via ex oriente
venerant, eam persequébantur Hierosolymis Bethlehe-
mum. Editi: qvam viderant, ad stellam referentes.

v. 57. Personat, ejulat, ululat.

v. 48. Et suscitans. Ita Alm.; Alii resuscitans.

Petrus per undas ambulat
Christi levatus dextera :
Natura , quam negaverat ,
Fides paravit semitam.

60.

Quarto die jam foetidus
Vitam recepit Lazarus ,
Mortisque liber vinculis
Factus superstes est sibi.

Rivos cruoris torridi
Contacta vestis obstruit ,
Fletu rigantis supplicis
Arent fluenta sanguinis.

65.

Solutus omni corpore
Jussus repente surgere :
Suis vicissim gressibus
Æger vehebat lectulum.

70.

Tunc ille Judas carnifex ,
Ausus magistrum tradere :
Pacem ferebat osculo ,
Quam non habebat pectore.

75.

Verax datur fallacibus ,
Pium flagellat impius ,
Crucique fixus innocens
Conjungitur latronibus.

80.

Xeromyrham post sabbathum
Quædam vehebant corpori :
Quibus definit angelus
Vivum sepulchro non tegi.

v. 63. Mortisque. Sic Cant. et Alm. Mss., Vulgati : cunctisque.

v. 65. Torridi. Hoc ex Mss. laudatis. In excusis est : horridi.

v. 83. Quibus definit. Ex Alm. Ms. est. Vulg. quas allocutus.

Ymnis, venite, dulcibus 85.
 Omnes canamus subditum
 Christi triumpho tartarum,
 Qvi nos redemit venditos.
 Zelum draconis invidi,
 Et os leonis pessimi. 90.
 Calcavit unicus dei.
 Se seque cælis reddidit.

Pontii Merop. Paulini*).

I.

Ad deum matutina precatio.

Paulo post suam a sæculo conversionem et Hispanicum secessum hanc precationem composuisse Paulinus putatur, in qua honestos mores a deo enixe postulat, ex quibus æternam beatamque sibi spondet vitam.

Omnipotens, genitor rerum, cui summa potestas,
 Exaudi, si justa precor, ne sit mihi tristis
 Ulla dies, placidam nox rumpat nulla quietem.
 Nec placeant aliena mihi, quin et mea prosint
 Supplicibus, nullusque habeat mihi vota nocendi, 5.
 Aut habeat nocitura mihi. Male velle facultas.
 Nulla sit, ac bene posse adsit tranquilla potestas.

v. 85. Ymnis. Non tantum alphabeti causa sublata est aspiratio, sed quia et alibi veteres ymnus pro hymnus scripserunt.

v. 88. Venditos. Ita Alm., ceteri: venditus.

*) Pont. Mer. Paulini Nol. episc. opp. ed. I. B. le Brun, Parisiis 1675, L. A. Muratorius, Veronæ 1736.

Mens contenta suo, nec turpi dedita lucro,
 Vincat corporeas casto bene conscia lecto
 Illecebras turpesque jocos, obscænaque dicta 10
 Oderit illa nocens, et multum grata malignis
 Auribus effuso semper rea lingua veneno.
 Non obitu affligar cujusquam, aut funere crescam:
 Invidiam numquam cuiquam, nec mentiar unquam.
 Adsit læta domus, epulis alludat inemptis 15
 Verna satur, fidusque comes, nitidusque minister,
 Morigera et conjux, caraque ex conjuge nati.
 Moribus hæc castis tribuat deus, hi tibi mores
 Perpetuam spondent ventura in sæcula vitam.

II.

Ad deum alia precatio.

Varia dei attributa enumerat auctor, et gratiam a
 deo precatur, qva peccata vitet, ut dei judicio securus
 occurrat. Circa idem fere tempus ac prior conscripta
 est hæc precatio, ex qva tamen pietas major, profundior
 humilitas, et metus judiciorum dei elucent.

Omnipotens, qvem mente colo, Pater unice rerum,
 Ignorate malis, et nulli ignote piorum;
 Principio, extremoque carens, antiquior ævo,

v. 15. Domus. Posterior syllaba contra regulam producta.
 Epulis alludat. Edit. Vinet. (Burdigalæ 1575) epulisque
 adludat.

v. 18. Tribuat. Edd. Vinet et Schot. (Coloniz, 1618) tribuit.

v. 1. Omnipotens, qvem mente colo, Pater unice rerum.
 Ms. Hieron. Aleandri et Edd. Grav: (Coloniz 1560)
 Pöelmann (Antverpiæ 1560) et Schot. in margg. habent:
 Omnipotens, solo mentis mihi cognite cultu.

Qvod fuit, aut veniet: cujus formamque modumque
 Nec mens complecti poterit, nec lingua profari: 5.
 Cernere quem solus, coramque audire iubentem
 Fas habet et patriam propter considerare dextram
 Ipse opifex rerum, rebus causa ipse creandis,
 Ipse dei Verbum, Verbum deus ipse anticipator
 Mundi, quem facturus erat: generatus in illo 10.
 Tempore, quo tempus nondum fuit, editus ante
 Qvam janbar er rutilus cælum illustravit eous:
 Qvo sine nil actum, per quem facta omnia, cujus
 In cælo solium, cui subdita terra sedenti,
 Et mare, et obscuræ chaos insuperabile noctis, 15.
 Irrequies cuncta ipse movens vegetator inertum.
 Non genito ex genitore deus, qui fraude superbi
 Offensus populi gentes in regna vocavit:
 Stirpis adoptivæ meliore propage colendus.
 Cernere quem licuit proavis: quo numine viso 20.
 Et patrem vidisse datum, contagia nostra
 Qvi tulit, et diri passus ludibria leti,
 Esse iter æternæ docuit remeabile vitæ.
 Nec solam remeare animam, sed corpore toto
 Cælestes intrare plagas, et inane sepulchri 25.
 Arcanum vacuis adopertum linquere terris.
 Nate patris summi, nostroque salutifer ævo,
 Virtutes patrias genitor cui tradidit omnes,

v. 8. Ipse opifex etc. Hic, et 8 sequentes versus desunt in
 editis codicibus Bad. et Mediolan.; at postquam Mari-
 angelus Accursius in Diatribis suis in Ausonium, Soli-
 num, et Ovidii Metamorphosim monuit inserendos ex
 vetustis Hieronymi Aleandri membranis, exstant in
 Edd. le Brun et Muratorii.

v. 12. Illustravit. Edd Grin. et Poëlm: illustraret.

Nil ex invidia retinens, plenusque datorum,
 Pande viam precibus, patriasque hæc perfer ad auras. 30.
 Da pater invictam contra omnia crimina mentem,
 Vipereumque nefas nocituri averte veneni:
 Sit satis antiquam serpens quod perdidit Evam,
 Deceptumque adjunxit Adam. Nos sera nepotum
 Semina, veridicis ætas prædicta prophetis, 35
 Vitemus laqueos, quos letifer implicat angvis,
 Pande viam, qua me post vincula corporis ægri
 In sublime feram: puri qua lactlea cæli
 Semita ventosæ superat vaga lumina lunæ;
 Qua proceres abiere pii, quaque integer olim 40
 Raptus quadrijugo penetrat super æthera curru
 Elias, et solido cum corpore prævijs Enoch.
 Da peter æterni speratam luminis auram,
 Si lapides non juro deos, unumque verendi
 Suspiciens altare sacri, libamina vitæ 45
 Intemerata fero: si te dominique dei que
 Unigeni cognosco patrem, mixtumque duobus
 Qui super æqvoreas volitabat spiritus undas,

v. 33. Perdidit. Sic Edit. Rosweid. (Antverpiæ 1622) et 3 Edd. in margg., at 4 Edd: prodidit.

v. 34. Deceptumque adjunxit Adam. Hanc Paulini locutionem, Adam videlicet fuisse deceptum, communem illi esse cum multis patribus, qui et ante et post eum vixere, observavit Rosweidius.
Sera. Fabric: dura.

v. 35. Ætas. Edd. tres in margg: olim.

v. 39. Lumina. Fabric: nubila.

v. 41. Æthera. Edd. tres in margg: aëra.

v. 42. Elias. Syllaba ultima contra regulam correpta.

v. 47. Unigeni. Fabric. male: unigenæ.

Da genitor veniam cruciataque pectora purga,
 Si te non pecudum fibris non sanguine fuso 50
 Quæro, nec arcanis numen conjecto sub extis,
 Si scelere abstineo, errori ipse obnoxius, et si
 Opto magis, quam fido, bonus purusque probari;
 Confessam dignare animam; si membra caduca
 Exsecror, et tacitum si poenitet, altaque sensus 55
 Formido excruciat, tormenta que sera Gehennæ
 Anticipat, patiturque suos mens saucia manes.

Da pater hæc nostro fieri rata vota precatu,
 Nil metuam, cupiamque nihil: satis hoc reâr esse,
 Quod satis est: nil turpe velim, nec causa pudoris 60
 Sim mihi: nec faciam cuiquam, quæ tempore eodem
 Nolim facta mihi: nec vero crimine lædar,
 Nec maculer dubio: paulum distare videtur
 Suspectus, vereque reus. Male posse facultas
 Nulla sit, et bene posse adsit tranquilla posestas. 65
 Sim tenui victu atque habitu, sim carus amicis,
 Et semper genitor sine vulnere nominis hujus.
 Non animo doleam, non corpore, cuncta quietis
 Fungantur membra officiis: nec saucius ullis
 Partibus amissum quidquam desideret usus. 70
 Pace fruâr, securus agam, miracula terræ
 Nulla putém: suprema mihi cum venerit hora
 Nec timeat mortem, bene conscia vita, nec optet.
 Purus ab occultis cum te indulgente videbor,
 Omnia despiciam, fuerit cum sola voluptas 75

v. 51. Arcanis. Fabric. carnis.

v. 52. Errori ipse. Edd. Grin. et Poelm. in margg. errorique.

v. 64-65. Male. Bene. Edd. Grav. Poelm et Schott. in margg:
 mala, bona.

v. 75. Voluptas. Edd. laudat. in margg: voluntas.

Indicium sperare tuum, quod dum sua differt
 Tempora, cunctaturque dies, procul exige sævum
 Insidiatorem blandis erroribus angvem.
 Hæc pia, sed mæsto trepidantia vota reatu
 Christe apud æternum placabilis assere patrem, 80.
 Salvator, deus ac dominus, mens, gloria, verbum,
 Filius et vero verum de lumine lumen,
 Æterno cum patre manens, in sæcula regnans,
 Consona quem celebrat modulato carmine plebes,
 Et responsuris ferit aëra vocibus: amen. 85.

Claudiani Mamerti*).

Hymnus

de Passione Christi

Vers. Trochaic.

Pange lingua gloriosi	In Breviar. Ro-
Prælium certaminis	man. Domini-
Et super crucis trophæo	caPassionis, it.
Dic triumphum nobilem,	Dominica in
Qualiter redemptor orbis	Palms ad Ma-
	tulinum. 5.

v. 80. Christe Edd. laudat in margg: nate, ut supra v. 27.

v. 82. Et — — — — — cum Fabric. ex.

v. 84. Consona quem celebrat etc. Sola Roswejdii editio: celebrant etc. mendose cum versu sequenti habeatur ferit; hic enim plebes Antiqve pro plebs, ut jam Fabricius observavit, singulari numero effertur.

*) Conf. Pol Leyseri Hist. poetar. et poemat. Halæ Magd. 1721 p. 69; Fabric. Poetar. Veter. Eccles. Oper. Christian. Basileæ 1564; Ejusd. Expositio in Pæanas tres Prudenti etc. Lipsiæ 1568.

v. 3. Super. De, antiquus præpositionis usus.

Immolatus vicerit.
 De parentis protoplasti
 Fraude factor condolens,
 Quando pomi noxialis
 Morte mersu corrui, 10.
 Ipse lignum tunc notavit,
 Damna ligni ut solveret,
 Hoc opus nostræ salutis
 Ordo depoposcerat,
 Multiformis perditoris 15.
 Ars ut artem falleret,
 Et medelam ferret inde
 Hostis unde læserat.
 Quando venit ergo sacri
 Plenitudo temporis 20.
 Missus est ab arce patris,
 Natus orbis conditor,
 Atque ventre virginali
 Carne amictus prodiit.
 Vagit infans inter arcta 25.
 Conditus præsepia,
 Membra pannis involuta
 Virgo mater alligat,
 Et pedes manusque, crura

- v. 8. Fraude ꝑ: propter fraudem, per quam fuit deceptus.
- v. 10. Morte mersu corrui. Ita Fabric. ; Brev. Rom. In necem mersu ruit, Leyserus ex Ms. Helmstadiens: Morsu in mortem corrui; in hoc vero ratio metri est posthabita.
- v. 15. Perditoris. Ita Leyserus; Fabric. et Brev. Rom. proditoris.
- v. 24. Carne amictus prodiit. Sic Brev. Rom.; Fabr. et Leys: carne factus prodiit.
- v. 26. Conditus. Leys. positus.

Stricta cingit fascia.	30.
Lustra sex qui jam peracta	
Tempus implens corporis,	
Se volente natus ad hoc	
Passioni deditus.	
Agnus in crucis levatur	35.
Immolandus stipitem,	
Hic acetum, fel, arundo,	
Sputa, clavi, lancea	
Mite corpus perforatur	
Sanguis unda profluit,	40.
Terra, pontus, astra, mundus	
Qvo lavantur flumine.	
Crux fidelis inter omnes	
Arbor una nobilis	
Nulla talem silva profert,	45.
Fronde, flore, germine;	
Dulce ferrum, dulce lignum	
Dulce pondus sustinent	
Flecte ramos arbor alta	
Tensa laxa viscera	50.
Et rigor lentescat ille	
Qvem dedit nativitas,	
Et superni membra regis	

v. 32. Peracta. Brev. Rom. peregit.

v. 36. Stipitem. Ita Leys.; Fabric. et Brev. Rom: stipite.

v. 38. Sputa. Brev. Rom: spina.

v. 40. Sanguis, unda profluit. Ita Fabr. et Leys. Br. Rom: unda manat et cruor.

v. 47. Dulce ferrum, dulce lignum. Fabr. dulce lignum dulce signum; Leys: dulce lignum, dulce clave.

v. 49. Conf. Hymn. de ligno vite.

Tende miti stipite.
Sola digna tu fuisti

55.

Ferre mundi victimam,
Atque portum præparare
Nauta mundo naufrago,
Quem sacer cruor perunxit
Fusus agni corpore.


60.

v. 53. Et Fabr. et Leys: ut.

v. 54. Tende miti stipite. Fabr: miti tendas stipite.

v. 56. Ferre mundi victimam. Fabr. et Leys: Ferre pretium,
sæculi.

v. 58. Nauta. Ita Fabr. et Leys.; Brev. Rom: Arca.



Corrigenda.

- Pag. 2 Lin. 1 pro adhortatur lege: adhortatur
 — — — — — εὐδμεῖ l. εὐδυμει
 — — — 6 — συνερχηθε l. συνερχησθε
 — 4 — 25 — tractanda l. tractandas
 — 5 — ult. — monumenta l. monumenta
 — 6 — 18 post Christi adde: naturæ
 — 7 — 9 pro nonnulli l. nonnulli
 — 14 — 22 — ut l. et
 — 15 — 1 — quam l. quum
 — — — — — epostolarum l. epistolarum
 — 16 — 14 — scripsisse l. scripsisse
 — — — 20 — cam l. cum
 — — — ult. — Alcimus l. Alcimus
 — 18 — 1 — camen l. carmen
 — — — 15 — tertia l. tertio
 — 19 — 1 — Pudantium l. Prudentium
 — — — 13 — Christo l. Christe
 — 20 — 4 — lumlnis l. luminis
 — — — 16 — u'time l. ultimo
 — 21 — 18 — rythmicæ l. rythmica
 — — — 27 post similia adde: exprimunt
 — 27 in not. Lin. 4 pro Guatheri l. Gualtheri
 — 29 Lin. 1 pro nuptaqve viduaqve l. nuptæqve - viduæqve
 — — in not. Lin. 4 pro viri l. viriqve
 — 31 — — — 1 — eomparatur l. comparatur
 — — — — — 3 a fine pro reconditam l. reconditam
 — 32 Lin. 9 pro augusti l. angusti
 — — — 10 — animaqve l. animæqve
 — — — 17 — tandem l. laudem
 — — in not. Lin. ult. pro este l. esto
 — 34 — — — 3 — tiki l. tibi

Pag. 57 Lin. 4 pro tellnere lege tellure

— — — 21 — Apostale l. Apostolo

— 58 in not. lin. 19 pro imprinus l. inprimis

— 42 — — — 16 Clichtoreus l. Clichtoveus

— 43 — — — ult. Ambrosu l. Ambrosii

— 44 Lin. 7 pro croator l. creator

— 46 in not. Lin. 1 pro Cisterciensis l. Cisterciense

— 50 Lin. 15 pro exaltat l. exsultat

— 52 — 9 — bperam l. operum

— 53 in not. Lin. 4 pro oprepsit l. obrepsit

— 54 — — — 2 — admittet l. admittit

— 55 Lin. 17 pro corucsis l. coruscis

— 56 — 3 — æc l. ac

— — in not. Lin. 5 pro Rupto l. Rupto

— — — — ult. oblegantur l. obtegantur

— 58 Lin. 20 pro Vigelimus l. Vigilemus

— 60 — 16 — Vulta l. Vultu

— 63 — 15 — labidum l. tabidum

— 68 — 5 — lnce l. luce

— 69 — 12 — improbns l. improbus

— 70 — 17 — candidillo l. candidulo

— 71 — 13 — inculume l. incolume

— — in not. Lin. 14 pro verria l. verbis

— — — — ult. Havnie l. Havnise

— 72 Lin. 1 pro horificis l. horrificis

— — in not. Lin. 7 pro σαρκοφάγος l. σαρκοφάγος

— 75 Lin. 17 pro lucum l. locum

— 77 in not. Lin. 14 post quod adde: incipit

— 78 Lin. 3 pro dei l. olei

— 79 — 4 — consita l. concita

— — in not. Lin. 1 pro Gnoses l. Gnosos

— — — — 5 — nociles l. nobiles

— 80 Lin. 3 pro pupurei l. purpurei

— — — 19 — confussa l. confusa

— — — 20 — setmet l. semet

— — — 21 — æqvos l. eqvos

— 83 — 14 — suffixia l. sufīxa

— 84 — 11 — continuat l. continuat

— 86 — 30 — proculum l. poculum


— 90 in not. Lin. 6 pro veteris l. veteres

— 91 — — — 4 — apellabatur l. appellabatur

— — — — 6 — ed l. ad

Pag. 62 Lin. 16 pro Fruentur lege: Frenentur

- 94 — 10 — inffuebat l. influebat
 - — 25 — Cultam l. Cultum
 - - in not. Lin. 2 pro Gisselinus l. Giselinus
 - - — — 5 — parvum est l. parvum, quod est
 - 96 Lin. ult. pro Glaucos, amicitus l. Glaucos amictus
 - 97 in not. Lin. ult. pro es l. ex
 - 98 Lin. 5 pro fautris l. fautrix
 - 101 — 28 — aqosus l. aqvosus
 - 102 — 4 a fin. pro cum l. eum
 - 104 — 7 pro fnrentem l. furentem
 - 106 — 23 — vlim l. olim
 - - in not. Lin. 4 pro Christionorum l. Christianorum
 - 108 — — 1 — foris l. fons
 - - — — 2 — apellatione l. appellatione
 - 112 Lin. 21 pro memhra seqvestra l. membra seqvestro
 - - — 29 — mnnera l. munera
 - 114 in not. Lin. 11 pro qvam l. qvum
 - - — — 12 — Chistianar. l. Christianar.
 - 116 Lin. 19 pro manicipatam l. mancipatam
 - 118 in not. Lin. 9 pro illustavit l. illustravit
 - 119 — — 5 — dæmonus l. dæmones
 - 121 Lin. 19 pro cerninus l. cernimus
 - - in not. Lin. 4 pro gaudent l. gaudet
 - 124 — — 3 — affectam l. affectum
 - 126 — — 4 — recencentur l. recensentur
 - 129 — — 4 — διελθωμεν l. διελθωμεν
 - - — — u. — Hosia patis l. Hostia patris
 - 133 — — 7 — ille l. illa
 - 136 Lin. 14 pro snrgere l. surgere
 - 139 — 9 — er l. et
 - 140 — 10 — lactlea l. lactea
 - 141 — 4 — Si l. Si
 - - — 17 — posestas l. potestas
 - 142 — 1 — Indicium l. Judicium
 - in not. Lin. 10 pro Prudenti l. Prudentii,
-









—

